

新刊外科正宗

新刊外科正宗序

余自束髮以來善病醫書滿几上藥餌不  
離口忝歲官金陵適有賫捧冬表之役至  
中途病甚舁而歸幾化為鼠肝蟲臂乃瀕  
危而更生者醫之力也後有流言謂余以  
不病病當事者罷余官今且杜門埽軌豁

如也一日陳君外科正宗書成索余為之  
序弁諸首夫陳君療余病者也余素習其  
為人語曰醫者非仁愛不可託非聰明理  
達不可任非廉潔淳良不可信人不幸為  
二豎所侵六賊所苦方其危困皆衆方徐  
徐冀邀厚利而君之赴之急也急于救焚且

於富貴人窶人並無二視不過督其金其  
投劑必察以九竅之變而參以五臟之動  
余親見其治一人疽疽有五管頤隱于齊  
肩高于頂似不可藥矣君以藥塗刀刺之  
血如瀑下衆皆掩面君獨喜謂其家人云  
三日可愈甫三日果愈蓋君弗醫則已醫

則罔不立效者然其平居深念則曰吾全  
活者崇川之人已耳自崇川而廣陵不能  
什之三四也自廣陵而海內又不能什之  
一二也可不刊為成書公之遠近故自內  
經靈樞玉函金櫃与夫桐君所錄雷公所  
記及近代劉朱數家所銓綜無不經羅而

苞孕焉或者傳海內垂來襁按方療病無  
不可全活者久猶吾全活之也陳君用意  
之厚固若此豈徒日處百方月為千軸而  
已者哉且君以醫致數千金不私橐中祿  
藥王廟于城河之南疊石為山引河水遠  
其旁上棟下宇肅如也自三皇以及扁鵲

華陀之類采其方者輒祀其人所以報本  
亦一奇觀也蓋陳君於諸書無不窺深近  
似乎聞道者茲固其一班云 岢

萬曆丁巳夏日郡人顧懋賢題

新刊外科正宗目錄

卷之一

癰疽原委論第一

癰疽治法總論第二

癰疽瘍症歌第三

癰疽陰症歌第四

癰疽半陰半陽症歌第五

癰疽五善歌第六

癰疽七惡歌第七

治病則例歌第八

癰疽灸法禁灸瘡穴第九

論病生死法第十

察形色順逆第十一



病有三因受病主治不同論第十二

調理須知十三

雜忌須知十四

癰疽圖形十五

附癰疽諸症  
瘡名十律

卷之二

腦疽論十六

疔瘡論十七

脫疽論十八

瘰癧論十九

贅疽論二十

咽喉論二十一

時毒論二十二

癰疽論二十三

肺癰論二十四

卷之三

流注論二十五

乳癰論二十六

附乳岩

附骨疽論二十七

附鶴膝風

腸癰論二十八

臍毒論二十九

痔瘡論三十

下疳論三十一

魚口便毒論三十二

囊癰論三十三

懸癰論三十四

臀癰論三十五

楊梅瘡論三十六

結毒論三十七

多骨疽論三十八

卷之四

陰證論三十九

傷寒發頤四十

癰發四十一

療疽四十二

小腹癰四十三

鶴口疽四十四

龍泉疽虎鬚毒四十五石榴疽四十六

穿骨疽四十七

大麻風四十八

翻花瘡四十九

腋癰五十

脇癰五十一

鼻痔五十二

骨槽風五十三

紫白癰風五十四

齒病五十五

腦漏五十六

破傷風五十七

跌撲五十八

金瘡五十九

杖瘡六十

湯潑火燒六十一

甲疽六十二

爛唇六十三

痞癖六十四

天蛇毒六十五

頭痛六十六

合谷瘡六十七

鼻出血六十八

牙縫出血六十九

血箭血瘰七十

鵝掌風七十一

腎囊風七十二

疥瘡七十三

癰瘡七十四

血風瘡七十五

頑癬七十六

膿窠瘡七十七

凍風七十八

火丹七十九

天泡八十

肺風粉刺酒皰鼻八十一

雀斑八十二

油風八十三

白屑風八十四

耳病八十五

漆瘡八十六

竹木刺八十七

瘰癧瘡八十八

疥癬八十九

痰包九十

癩風九十一

澤腫九十二

咬傷九十三

風犬瘡九十四

女人面生黧黑斑九十五

鈕叩風九十六

枯筋箭九十七

婦人脚丫作痒九十八手足破裂九十九

眼丹一百

黑子一百一

眼胞菌毒一百二

體氣一百三

白禿瘡一百四

奶癬一百五

蟾拱頭一百六

小兒遺毒爛斑一百七

螻蛄串一百八

小兒痘風瘡一百九

小兒赤遊丹一百十

走馬疳一百十一

重舌一百十二

胎瘤一百十三

驚口瘡一百十四

痘癰一百十五

痘疔一百十六

黃水瘡一百十七

大人口破一百十八

臭田螺一百十九

牛程躑一百二十

僵螂蛙一百二十一

田螺泡一百二十二

股痛一百二十三

陰虱一百二十四

葡萄疫一百二十五

百蟲入耳一百二十六  
惡蟲叮咬一百二十七

人面瘡一百二十八

悞吞針鐵骨哽

咽喉一百二十九



中砒毒一百三十

落下頰拿法一百三十一

救自刎斷喉法

一百三十二

陰毒一百二十三

失榮症一百三十四

試知百病死生法

一百三十五

造孽報病說一百

三十六

仙方活命飲

今古不同論一百三十七

拾遺症一百三十八

唇風一百三十九

細縛背瘡一百四十

癰疽肉肉不合一百

四十一

煉玄明粉法一百四十二

二十

取紅鉛法一百四十三

煉金頂砒法一百四十四

四十

煉消石法一百四十五

取蟾酥法一百四十六製附子法一百四十七

昇白靈藥法一百四十八製寒食麵法一百四十九

逐日入神歌一百五十二時入神歌一百五十三

尸神歌訣一百五十二製炒諸藥一百五十三

醫家五戒一百五十四醫家十要一百五十五

披鍼喉鍼形一百五十六

汗斑補遺一百五十七

新刊外科正宗目錄終

新刊外科正宗卷之一

癰疽門

崇川 陳實功 編

癰疽原委論第一

癰疽發背爲何生好好身軀出此形

凡人處世而無疾病者水升火

降精秘血盈也養生篇曰毋搖爾精毋勞爾形賊心靜然可以長生此皆遠世俗忘名利無貪嗔却疾病此惟修身保命之士所能今人豈能及哉蓋謂靜則生水動則生火又水能生萬物火能尅萬物故百病由火而生火既生七情六慾皆隨應而入之既入之後百病發焉發于內者爲風勞瘵隔痰喘內傷發于外者成癰疽發背對口疔瘡此皆言其大略也故成癰者壅也爲陽屬六腑毒騰于外其發暴而所患浮

淺因病原稟于陽分中蓋陽氣輕清浮而高起故易  
腫易膿易腐易欬誠爲不傷筋骨易治之症也疽者  
沮也爲陰屬五臟毒攻于內其發緩而所患深沉因  
病原稟于陰分中蓋陰血重濁性質多沉故爲傷筋  
蝕骨難治之症也凡年壯氣血勝毒則順年老  
毒勝氣血則險治法載于第二論中宜詳觀之內被  
七情于臟腑憂愁思慮總關心

七情六慾者皆盜人元氣之賊也人能疎

于此者無不多安多壽人若親于此者無不有損有  
傷但人能味之者鮮矣蓋情慾之動作無所不好無  
所不爲故喜傷心怒傷肝憂傷肺思傷脾悲傷于魂  
魄恐傷腎驚傷膽此等七情皆耗人一身元氣之萌  
孽也至于六慾者耳聽聲音眼觀物色鼻聞香氣舌  
貪滋味心帷大地意惺萬方此等六慾皆損人三世  
鍾靈之真性也又所以爲苦爲疾爲夭爲疼以及休  
廢衰敗諸病諸瘡盡皆出于此等之情慾也醫者患

者亦宜慎察之

外又六淫傷氣血風寒暑溼火相臨

六淫者風寒暑

溼燥火是也風爲四時不正浩蕩肅殺之氣發而最能中人寒乃節候不調疾風暴雨冰雪嚴寒所傷或口貪生冷之物暑因亢陽酷日燠火流金溼熱薰蒸而中溼從坐臥久陰卑溼之地或身驟臨風雨潮氣所侵燥爲陰虛內熱消燠津液不能滋潤臟腑以致皮膚枯槁便乾爲燥火生于心緒煩擾醇酒膏粱房慾不閑所動此六淫者皆從外而入之體實之人遇而不中者有體弱之人感而隨發者多又有感之不發邪氣客于臟腑經絡關節之內積襲日久或待內傷或因外感邪氣觸而發之既發之後當參寒熱溫涼邪正勝膏粱厚味多無忌勞傷房慾致虧陰者膏粱負而治之酒肥鮮炙燂之物也時人多以火炭烘薰或以油酥燂煮其味香燥其甜其性鹹酸辛辣又至于塗藏厚

料頓煮重湯以取其爽口快心不顧其消陰燂臟又  
得于寵妾滿前精神飛曠溫牀厚被爐火圍住每至  
于未飢先食未冷先綿快意從心色力太過稍有不  
及便去與陽惟取快意于一時不覺陰消乎平日況  
所生是疾者不起于藜藿盡屬于膏粱誰識膏粱味  
短不及藜藿味長凡知命者當遠之避之擇而用之  
可故將五臟多乖變自然六腑不調勻五臟屬五行  
金木水火土  
是也常欲相順相生所得木生火火生土土生金金  
生水水生木此五臟相合相生稟太和之氣其疾  
何以生焉是為疾者五臟必相反相尅所被木尅土  
土尅水水尅火火尅金金尅木此五臟相刑相尅理  
返互變之機其疾再無不作者所謂相生者昌相尅  
者亡此誠為萬物生尅一定之理豈止于疾病言哉  
又謂五臟不和則六腑不通六腑不通則九竅疲癯  
九竅疲癯則留結為癰蓋癰疽必出于臟腑乖變關

發不得宣通而發也治當寒邪而痛者以溫熱散之  
溼腫強痛者滲而導之燥搐攣痛者滋而潤之泄而  
痛者溫之塞而痛者通之虛而痛者補之實而痛者  
瀉之陰陽不和者調燮之經絡秘澁者冲和之膿脹  
而痛者開之惡肉侵蝕者去之勞而痛者逸之發於  
損而痛者續之此等皆爲活法惟在用者詳之

心上多危險五臟相干事可明

五臟者心肝脾肺四臟皆係于背惟腎經

一臟獨居于下雖居于下其本臟精華津液元氣元  
神盡行灌溉榮注于上故四臟之火皆賴一臟之水  
以濟之所謂五臟根本皆係于背卽此之意也凡發  
癰疽者未有不先傷五臟而後發之況背乃太陽膀胱  
督脉所主太陽者六經之首領也督脉者十二經  
絡之統脉也所以瘡生於背毒犯於此況心乃又屬  
君主之位豈容毒相犯之凡發於此故多心之已下  
成危險難治之症醫者不可不慎而察之

多成順六腑之因亦許評

凡瘡生於心之以下者除腎俞一穴外皆爲緩六腑

者足陽明胃經手太陽小腸經足太陽膀胱經手厥陰心包絡經手少陽三焦經足少陽膽經此六經其各屬腑其形在下其氣主表其病爲癰故疾發於五臟者爲重生于六腑者爲輕此爲表裏臟腑輕重之別也

脾家積毒生肩脊

發生於肩下脊上者乃因飲食也

根脚不過兩肩者爲順先宜解毒護心爲主次宜內托清心爲要間用蠟礬丸護心散防毒攻心如腫平堅硬漸大漸開攻注兩

心經火毒對心臨

對心發者乃心火妄

動熱極而發之也況心爲主宰周身蘊熱流會于此其結爲患又稱毒刻君位最易傷人刑截督經害非輕淺況此穴背脊多坑固難起發瘡形落陷腫不高尖治當大降心火急疎蘊熱直用針通隨行拔法務



使毒氣內外疎通各從門出庶不內攻方為成守保  
至十五日後內無變症得膿為解如是期變症漸生  
堅硬漸大不作膿者死在二十二朝先後兩肩左右  
但此症貴在乎早治十中可保其三四也

雙生發肺肝積受不虛名

左搭屬肝右搭屬肺俱生於左右肩骨移動之處為

可治古云左搭串右右搭串左俱為難治今治不然  
予每醫左右相串者未嘗見其死惟在治法得宜有  
此症者先用萬靈丹發汗疎通內外次以清肝解鬱  
湯柴胡清肝湯氣用四君子湯血用四物湯潰後入  
珍湯俱兼六鬱湯參而調治誠為妥當但此症原起  
於痰凝氣滯火鬱氣血不調所生正謂鬱者開之滯  
者行之如候用瘡科解毒泄蓮子蜂窠防毒陷  
氣候補候攻之藥必致多危  
二發多生於背與心相近與脊中平輕者形長高腫  
或偏半背重者形斜平塌兩脇俱傷孔似蜂窠突如

蓮子瘡形雖畏常能多險多生老弱不堪反取常安  
常穩大規只怕不純陽治法何妨瘡勢惡護心護腹  
丸丹須要調停執藥執方活法  
在乎醫意機參總論法決存亡  
**腰間腎俞發難生**  
發者生於兩腰內腎陷肉之間或正中亦發凡生於  
此者最爲險候蓋內腎乃爲性命根本藏精藏氣藏  
神又謂受命先天育女育男育壽此等皆出於腎臟  
之一竅也是爲疾者房勞過度氣竭精傷慾火消陰  
外陽煽惑以致真水真陰從此而耗散既散之後其  
臟必虛所以諸火諸邪乘虛而入既入之後渾結爲  
瘡如木臟稍有真陰制火瘡形自可紅活高腫爲膿  
治以人參養榮湯加山萸五味子黃柏知母及加減  
八味丸以救其源也若瘡形色紫黑乾枯堅硬不作  
膿者爲真陰內敗再無可生之理必死在十五日前  
後爲  
**督脉經虛從項發俗名對口故相稱**  
對口者生於項後而

對前口者是也但有偏正之不同發於正者屬督脉  
所主發於偏者乃太陽膀胱所司二者皆起於溼熱  
上攻凝結而成也督脉者發瘡雖正而反爲易治因  
督脉起於下而貫脊行於上故毒氣得之反能冲突  
高腫使邪毒不致下流低陷乃爲外發故多易治勝  
肱者發瘡雖偏而每爲難治蓋膀胱之脉起於巔頂  
貫項兩旁順下而行乃與瘡毒交會下流故瘡多平  
塌又太陽膀胱主司寒水其質多冷多沉故瘡於此  
多難起發形色多難紅活堅硬難潰又易流注兩肩  
胸項作腫十五日外無膿者必然變黑歸陰故多不  
治俗呼以正爲重以偏爲輕此皆庸說不得其消息  
故也治以黃連消毒飲主之餘皆降火化痰解毒清  
心托裏何期耳後多生發天疽銳毒不非輕耳後一  
爲要也寸三分致命之處誠爲險惡之候又左爲天疽右爲  
銳毒天者妖變之物也故屬肝木銳者鋒利之器也

是屬肺金二者皆起於積想在心謀慮不決致火旺而又鬱鬱而又旺以成此疾也故形多堅硬頭多隱伏未潰先黑未膿先腐臭穢易生元氣易敗常得此者毒氣多致不得外發後必內攻而死但此症者初生起于隱微令人多不知覺及其知覺毒已入內矣如紅活高腫易膿易腐者無妨又有脫疽生手足丹房補術孽根因脫疽之發脫者落也疽者補藥房術秘法與陽瀝精行幸不覺藥性暴烈或洗或嚼或噙於口或藏臍下弱阻精道久戰不弱取藥一時恣情戲謔毒積臍下真陰枯灼腫禍在身終久必發此是根因發者難生多生手足發在骨筋初生如粟色似棗形漸開漸大筋骨伶仃烏黑黑痛割傷心殘殘敗敗汚氣吞人延至踝骨性命將傾此非天命自喪其身古人有法截割可生今慢腫難治歟人誰肯割截為名治法雖有詳在後文

腫易總論中間法可憑

慢腫者肉腫瘡不腫是也。燃腫者瘡腫肉不腫亦是也。此

二者發瘡陰陽之大體辨症順逆之末節由此觀之一決而定也。瘡之初起理當升發潰膿之後不可用內消宜用托藥如不應者乃毒勝氣血死在旬日或已發出而不腐潰根脚堅硬或軟而散大者急投托藥大補脾胃不應死在二旬若已潰而色不變紅活亦不生肌收斂瘡口暈大腫痛不減胃氣不圖急須峻補不應者乃諸瘡另自分門說豈許輕干紊此呈脾崩死在月餘

癰疽治法總論第二

癰疽發背怎生醫不論陰陽先灸之不痛灸至痛疼

灸不疼時

凡看癰疽腦項等發大瘡先要從容立定主意以見標日期為始到今幾日看瘡形

與日期可否相對相應則多吉不應則多險次看受  
病之源發於何臟腑出於何部位但身體有上下部  
位有險否形色辨順逆精神論有無再看年紀老壯  
氣血盛衰發陰發陽毒深毒淺以陽爲易治者多生  
以陰爲難治者多死方診脉之虛實可知順險以決  
其終凡瘡未潰前脉要太過一二至已潰後又宜不  
及二三分此爲脉病相應首尾自不變生如其相反  
恐防不測但看法全在日力精巧與心相應一一參  
明表裏透徹然後方定治法凡瘡七日以前形勢未  
成元氣未弱不論陰陽表裏寒熱虛實俱先當灸輕  
者使毒氣隨火而散重者拔引鬱毒通徹內外所得  
火引毒氣混合爲陽方能發腫作痛然後可汗可攻  
或消或托兼求標本參治必以脉合藥以藥合病如  
此治之自然無錯矣故藥難執方全在活法大抵關  
節首尾俱不可損  
傷元氣脾胃爲要  
內服蟾酥丸一服外將神火照三

枝凡瘡初起七日之前或已灸之後未服他藥宜用蟾酥丸一服得汗解爲妙或萬靈丹發汗亦可所謂毒氣隨汗而散最爲捷徑如二藥服後發汗不出此乃表裏閉密之故毒亦不輕當神妙拔根方施治神燈照法甚効亦不可用之太早如瘡四五日之間形未聚毒未出若用之早恐留鬱而內毒反致難出用須在八九日之後瘡勢已定毒氣已聚未成膿腐之時用此照之已成者自消未成者自潰者自潰不脫者自脫亦且解毒用膏貼頂上敷藥四邊圍活血消腫散瘀之良法也凡瘡最忌風寒所襲初起之時或已灸之後俱當用太乙膏蓋貼頂上功效在於拔毒提頂提膿防禦風寒不入如焮痛高腫陽瘡七日已後瘡頭自有黃色稠膿相粘膏上餘腫紅色光亮鮮明每日宜用慈湯洗淨換膏貼之其正膿定在十一日前後出也此爲易治易安之症如七日之後瘡不大腫高四邊又不

吹痛瘡頭亦無膿意相粘此爲陰陽相等之症宜用  
化腐紫霞膏塗瘡頂上外以膏藥蓋之換至十日外  
瘡頂漸腐餘腫漸高似有膿意之象其正膿只在十  
五日之後可出也此爲以險成順之症至于二十日  
已後無膿者乃純陰之症縱治亦無効矣又如瘡之  
四邊根脚餘腫其功又在敷藥收束根本庶不開大  
初起時宜用金黃散敷於四邊乃拔毒消腫止痛既  
潰後當用鐵桶膏箍之庶瘡根漸收漸緊但諸瘡原  
因氣血凝滯而成切不可純用涼藥冰凝肌肉多致  
難腐難斂必當溫暖散滯行瘀拔毒活血藥用之方  
爲妥當也  
**氣盛兮頂自高而突起血盛兮根脚束而無疑**  
氣血者人之所原稟老者尚或有餘少者亦有不足  
人之命脉全賴於此況百病生焉失此豈能無變獨  
瘡科尤關係不淺但腫瘍時若無正氣冲托則瘡頂  
不能高腫亦不能吹痛潰膿則無真陰相滋則瘡根



不能收束色亦不能紅活收歛凡視瘡之頂高根活  
不論老少定知氣血有餘故知老幼俱可無妨又宜  
交會明白交會者瘡根與好肉交界之處高低自然  
分別明白者瘡形與好形各無混雜自然分明也以  
此觀之了

高腫起者忌用攻利之藥以傷元氣平塌

漫者宜投補托之劑以益其虛

凡瘡初發自然高起者此瘡原屬陽症而

內藏原無深毒亦且毒發於表便宜托裏以速其膿  
忌用內消攻伐之藥以傷脾氣膿反難成多致不能  
潰歛又瘡初起不高不赤平塌漫者此乃元氣本虛  
急宜投托裏溫中健脾之藥務要催托毒氣在外庶  
無變

內熱甚者量加消毒清劑便秘燥者必須通利

相宜使臟腑得宣通俾氣血自流利

腫瘍時內熱口乾脉寔煩躁便

秘喜冷者此爲邪毒在裏急與寒涼攻利宜內疎黃連湯四順清涼飲內消沃雪湯俱可選用又兼有表症者防風通聖散去麻黃或雙解散加桔梗天花粉又或小便不利者兼入天水散五苓散俱可合用務使二便通利以杜其源又有元氣素虛者恐不勝前藥以托裏消毒散加蜜炒大黃或兼豬膽套法亦得通利爲度首尾俱要閉而不結通而不泄得臟腑和平裏裏透徹方可便用托裏排膿內補之藥又如潰瘍時雖有口乾便閉臟腑不和小便不利等症此因潰後膿水出多內亡津液氣血虛耗不能榮潤臟腑所致其人必脉細而數口和而乾飲食減少好飲熱湯此乃虛陽之火爲病非前說有餘所比只宜養氣和亦無變症常有悞行攻利多致不救者有矣十日之間瘡尚堅必用披針當頭點破

凡瘡十日已後自當腐潰爲膿如期

不作膿腐仍尚堅硬者此屬陰陽相半之症瘡根必  
多深固若不將針當頭點入寸許開竅發泄使毒氣  
無從而出必致內攻也倘內有膿又便易出此爲開  
戶逐賊之意也亦有十日外瘡雖不腐潰形尚紅活  
煖熱腫痛此雖膿遲後必有出此又不必針之蓋緣  
元氣不能充是或失用補托之藥又誤用寒涼或蓋  
覆未暖多致膿遲有此症者宜用補中健脾大托補  
藥只待膿爲効又以十五日至二十一日爲期過此  
外者縱有稀膿但元氣被毒相拒日久必致耗散誠難歸結也半月之後膿亦少須  
將藥筒對頂板提有膿血之交粘必腐肉之易脫如  
半月後仍不腐潰不作膿者毒必內陷急用拔針品  
字樣當原頂寸許點開三孔隨瘡之深淺一寸二寸  
皆可入之入針不痛再深入不妨隨將藥筒預先煮  
熱對孔竅合之良久候溫取下如拔出之物血要紅

而微紫膿要黃而帶鮮此為血氣營運活潑其人必  
多活又謂膿血交粘用藥可全色鮮紅活腐肉易脫  
如板出瘀血紫黑色敗氣穢稀水無膿者此為氣血  
內敗死瘡所謂氣敗血衰神仙歎哉此等之瘡難久  
候其人必且如斯時內有膿而不得外發者以針鈞  
在月終人必且如斯時內有膿而不得外發者以針鈞  
向正面鈞起頑肉用刀剪當原頂剪開寸餘使膿管  
得通流庶瘡頭無閉塞已用藥筒拔膿之後外既有孔內痰亦通滄斯又當大膿  
發泄之候如尚膿少亦非自然得出故瘡頭必有瘀  
血壅塞內肉亦有頑膜阻隔多致膿管不通自難出  
也須用針鈞鈞起瘡頂頑肉以披針剪剪隨便取出  
寸餘頑膜之肉取之微痛亦自血出俱自不妨隨用  
兩手輕重得宜從瘡根煥處漸漸捺至中間剪出膿  
管處內有紫膿自然湧出以黃色稠厚為吉其膿日

漸多者爲輕反此爲慮此功務頻將湯洗切忌風吹  
使塗塞者聞之令膿毒外發也  
凡瘡未潰前或已用照藥後俱要煎慈艾湯每日淋  
洗瘡上一次甚者早晚二次使氣血疎通易於潰散  
又已潰時及藥筒提拔之後尤宜避風先去舊藥用  
方盤靠身瘡下放定隨用猪蹄湯以軟絹淋湯瘡上  
併入孔內輕手捺淨內膿膿敗腐宿膿隨湯而出以  
淨爲度再以軟帛疊成七八重勿令大乾帶湯覆於  
瘡上兩手輕盈旋按片時帛溫再換如此洗按四五  
次使血氣得疎患者自然爽快亦取瘀滯得通毒氣  
得解腐肉得脫疼痛得減此手功之要法大瘡不可  
使愈候腐脫已見紅肉時洗後隨用玉紅膏用根脚  
挑膏於手心上捺化係塗患之新舊肉上外用太乙  
膏蓋之四邊根脚已消處不必補藥每日如此用之  
不數日間膿腐盡脫新肉頻生更加肉補調理得  
宜輕瘡只在月餘大瘡不過七十日必完口而愈又

關節在於斯時變生出於此候

關節者陽瘡以十四日為關節陰瘡二十一

日為節此時務要出膿勢定不可過擻但膿出方自腐脫腐脫方自肌生肌生方自收斂收斂方自瘡平此為瘡之關節亦由次序來也如期不得膿者後必便有變生為一關節後必多順一關節逆後必多逆以此觀之不治當大補得全收斂之功切忌寒涼致取可不察也

變生之局

凡瘡潰膿之後五臟虧損氣血大虛外形雖似有餘而內臟真實不足法當純補乃

至多生但見已潰時發熱惡寒膿多自汗作痛者便進十全大補湯但見虛熱少睡飲食不甘者便進黃芪人參湯但見四肢倦怠肌肉消瘦而黃短氣者便進人中湯但見四肢倦怠肌肉消瘦而黃短氣者便進人參養榮湯但見膿多心煩少食發躁不睡者便進聖愈湯但見脾虧氣弱身涼脉細大便溏泄者便進托

裏溫中湯但見飲食不甘惡心嘔吐者便進香砂之  
君子湯但見脾虛下陷食少虛熱間作者便進補中  
益氣湯但見腎虛作渴不能相制心火者便進加減  
八味丸飯此選用益托裏則氣血壯而脾胃盛使膿  
穢自排毒氣自解死肉自潰新肉自生飲食自進瘡  
口自斂若不務補托而誤用寒涼謂之真氣虛而益  
虛邪氣寔而益寔多致瘡毒內陷膿多臭穢蓋瘡全  
其則脉洪大渴面紅氣短此真氣虛而死矣  
賴脾土調理必耍端詳脾胃者脾為倉廩之官胃為  
導一表一裏一納一消運行不息生化無窮至於周  
身氣血遍體脉絡四肢百骸五臟六腑皆藉此以生  
養又謂得土者昌失土者亡蓋脾胃盛者則多食而  
易飢其人多肥氣血亦壯脾胃弱者則少食而難化  
其人多瘦氣血亦衰所以命賴以活病賴以安況外  
科尤關緊要善養生者節飲食調寒暑戒喜怒省勞  
外利正宗

役此則不損其脾胃也如不然則精神氣血由此而  
日虧臟腑脈絡由此而日損肌肉形體由此而日削  
所謂調理一失百病生焉  
故知脾胃不可不端詳矣  
冬要溫牀暖室夏宜淨几  
明窓  
但人之氣血喜暖而惡寒又謂遇寒則結遇熱  
則散況瘡乃肌肉破綻之病若不禦風寒最爲  
易襲凡有瘡時冬要著紫炭之火旺旺暖氣逼盡餘  
寒夏宜淨几明窓亦庶外風不入然後方可揭膏洗  
貼瘡上常見患者夏月縱意當風取涼或睡臥陰溼  
之處冬又不從溫牀暖室多致寒侵輕則有妨生肌  
之口重則變爲崩漏不膿不斂陰症  
此常有也凡重命君子可不預慎哉  
飲食何須戒口  
冷硬膩物休食  
飲食者人之所賴以生養必妥適其  
時而食之如人之病中腫痛時自然  
痛傷胃氣諸味不喜直待潰後膿毒一出胃氣便回  
方欲思食彼時但所喜者便可與之以接補脾胃如



所患之物不與此為逆其胃氣而反致不能食也切  
要不可太過惟忌者生冷傷脾硬物難化肥膩滑腸  
故禁之餘癰疽雖屬外科用藥卽同內傷科推為維  
隨便用也  
病之光蓋此傷人迅速關係不淺故特設於前也且  
如癰疽腫痛瘰癧疔毒大瘡形勢雖出於外而受病之源  
寔在內也及其所治豈可捨於內而治外乎所以外  
不起者內加托藥表熱甚者內必清解血虛宜用四  
物湯氣虛宜用四君子脉虛足冷溫中脉寔身熱涼  
血以此推之內外自無兩異但世以瘡形言之曰外  
治治以氣血言之即內傷凡醫者脉虛病虛首尾必  
治法不可混於內理以致生變症  
行補法表實裏實臨時暫用攻方丹溪云凡瘡未破  
藥斷不可用凡瘡既破臟腑已虧一毫涼藥亦不可  
用誠哉是言也茲說又有不然且如初病未破時脉

得微沉緩清細數浮空外形又兼身涼自汗便利嘔吐少食者濇形又不起發不凝不痛無潰無膿此等症者皆緣氣血虛弱之故若執前云未破毒攻臟腑之說必投涼藥攻之復損元氣患者其生乎其死乎予論治病不論首尾難拘日數但見脉症虛弱便與滋補乃可萬全如補不應未可安然虛弱甚者須用參朮膏入饅糕陽虛自汗食少者單人參膏或六君子湯加砂仁木香甚加附子泄瀉腸鳴胃虛嘔逆者參苓白朮散加薏薏山藥木香柿蒂脾虛下陷瀉泄及肛門墜重者補中益氣湯加山藥山萸五味子以此選用又有表寔者身體發熱無汗惡寒裏寔者脉大身熱便噪口乾假如表症急者先用荆防敗毒散以解其表裏症急者先用四順清涼飲以攻其裏表裏相兼者宜防風通聖散發表攻裏此隨其表裏先後皆在活法暫時之用也於意受補者自無痰火內蘊之相雜不受補者乃有陰火溼熱之兼攻又謂補

而應藥者多生虛病要論久新要法枉於寬治猛治

而不受補者不治而如人之病有新久勢有緩急如受病之初元氣未弱治當隨症迎刃而解若懼行霸道猛劑定不能決効於危急時也但要中病即已故謂藥不瞑眩厥疾不瘳且如表症盛者用萬靈丹大加表散裏症急者以內疎黃連湯急與通行又如受病日久邪正相拒其元氣未有不衰弱者縱有餘症雜症壞症俱當先固其本而後調之和之散之使病氣漸退元氣漸醒飲食漸進根本漸實則餘患再無不愈之理所謂勢孤則守本立道生常見治者不論病之新久本之盛衰又不悟因虛致病因病致虛其中又有虛熱虛寒之別一例矣行攻治如盲人騎瞎馬半夜臨深池豈不致危哉藥必求標本功莫別於先醫後醫若一槩之攻補恐兩途之悞用

凡物理皆有標

本而身病之標本尤莫切焉且以天地運氣標本言之以五運爲本六氣爲標此所以參天地之化育明五行之生剋考節候之寒溫察民病之凶吉又主萬物榮者皆榮疾者皆疾此所屬天地氣運之標本也以身體標本言之以五臟爲本六腑爲標五臟主裏主血六腑屬表屬氣此所以主臟腑氣血之盛衰稟筋骨髓腦之強弱司疾病之淺深發生成之壽夭此所屬身體陰陽之標本也以疾病標本言之先以初病爲本後以傳病爲標又以元氣爲本病氣爲標此所主寒熱表裏緩急之病應汗下補瀉和解之方凡治病者必先治其本後治其標誠爲妥當若先治其標後治其本使邪氣滋甚其病益增又謂緩則治其本急則治其標假如先得瘡疾而後得泄瀉嘔吐食少等症此又宜捨本從標之法治之候瀉止嘔定食進方再治瘡餘皆倣此若一槩攻補必又說陽變爲兩途誤用此所屬疾病邪正之標本也

陰內外被寒涼尅伐

瘡本發於陽者爲癰爲熱爲寔爲瘰此原屬陽症易治多因患

者不覺以爲小恙不早求治反又外受風寒內傷生冷或再被醫者失於補托而又以涼藥敷圍其內消之以合病家之意多致氣血凝滯胃傷敗使瘡毒不得外發必致內攻凡此症往往不救者多矣如瘡變在十一日未出膿之前形勢與好肉相平不疼不熱軟慢相兼瘡孔止流清稀肥水更兼身體不熱脈亦細微飲食厭食精神昏短有此症者瘡毒變入其陰雖強救溫中健脾之劑不應者百無一生之理如瘡變在十五日之後已出膿時毒氣已將外發如有調攝失宜畏食冷物忽變爲陰者急投托裏溫中湯十二味異功散輕者十全大補湯俱倍加參芪桂附以救之須得瘡熱作痛膿出身溫脈起食進者爲吉但瘡原本於陽其豈期陰變爲陽首尾得辛熱扶人故得多生者有矣

裝病分真似理究陰陽

瘡本發於陰者為疽為冷為

者知覺欲其生而故將辛香酒煎大方熱藥以助之  
醫者又欲患處高腫厥熱作膿敷以熱藥圖其起發  
故瘡得藥性大熱而轉陰為陽其瘡雖得微腫微熱  
微痛微膿但瘡形終不似真陽紅活亦不能得其真  
厚黃膿如此者其瘡不久復歸陰矣但瘡原本於陰  
其人故多死元直此症若患者方寸不離托信於醫  
而醫者又得機關透徹治法得宜內外融和偶偶中  
節其中亦有可生者十中一二矣其要如救焚拯溺  
可施者毋待少頃其切似履冰淵可禁者毋  
妄絲毫如此而不得其生患者寔天命而已既有針  
工之異說豈無線藥之品詳凡瘡毒既已成當托其  
膿膿既已成當用針通  
此舉世自然之良規也必當驗其生熟淺深上下而  
針之假如腫高而軟者發於肌肉膿熟用針只針四

五分腫下而堅者發於筋脈膿熟用針只在六七分  
腫平肉色不變者毒氣附於骨也膿熟用針必須入  
深寸許方得見膿又輕按熱甚便痛者有膿且淺且  
稠重按微熱方痛者有膿且深且稀按之陷而不  
起者膿未成按之軟而復起者膿已成按之都硬不  
痛者無膿非是膿即瘻血也按之都軟不痛者有膿  
非是膿即溼水也所謂有膿即當針膿孔宜順下若  
生而用針氣血反泄膿反難成若膿熟而不針腐潰  
益深瘡口難斂若膿深而針淺內膿不出外血反泄  
膿淺而針深內膿雖出良肉受傷元氣虛者必先補  
而後針其膿諸症悉退又有氣瘦腫而綿軟不痛者  
血瘦腫而內壘成塊者頑毒結之日久皮膚肉紫根  
硬四邊紅絲纏連者以及結核之症漸大漸痛漸腐  
者已上四症俱不可輕用針刀掘破若妄用之定然  
出血不止者立危但用針之法妙在膿隨針出而寂  
然無所知覺也至於瘻瘡癰癰諸痔諸漏并毒堅硬

頑瘡此等症者若非線藥之功亦不能刻期取効夫  
線藥乃有五六種難以槩說與其各病相應者亦隨  
症附例於各門以便選用故未  
述於此篇凡用者宜善而用之  
湯散丸丹要在發而  
必中神聖工巧誠爲學者機關  
爲醫善用力如將善  
潛波瞞津撲浪善於陸者穿山越嶺附葛攀藤奇偶  
者鼓舞飛揚蹊徑者浮沉鑽鑿弱者可守强者當敵  
此爲將得兵用兵之大法也如爲醫者理皆倣此其  
要在知人之強弱識病之內外交病之淺深察時之  
順逆然後可汗可攻或吐或下或宜和解或宜補益  
又知某湯善汗某散善攻某丸善和某丹善補因其  
病而用其方如矢發機投之必中中之必勝勝之則  
病無不愈之理此爲醫得方用方之大法也又如望  
聞問切神聖工巧亦可兼之所謂望其形而通其神  
聞其聲而明其聖聞其由而得其工切其脈而續其



巧此四者誠爲初學之繩墨也至於千方百症難將說盡短長方不  
心契則靈症不在難意會則明方不心契症不意會  
如疎淡之交寡遊之地性情形勢不切何以便托用  
哉故藥不應病病不治枉活法貴在審詳嘗言昔者承  
不應藥卽此據也所以動靜世務不同勞逸機關已異當原受病從外  
而來今之受病從內而發又古者多寔設方宜散宜  
識故今者多虛治法宜微宜補若醫者不用之必得  
其當醫斯可以稱良詞雖近於麤鄙可爲後學提綱

### 癰疽陽症歌第三

癰疽不論上中下惟在陰陽二症推發背雖有正與

偏要取高低兩樣看純陽初起必焮腫更兼身熱有  
微寒頂如尖字高突起腫似灣弓根有盤七日之間  
多焮痛二七之期膿漸漫動息自寧食知味二便調  
勻無瀉乾腫消膿潰精神爽脫腐生新氣血完五善  
自然臻並至七惡全無半點干痛便隨膿減腫退自  
肌寬新肉已生紅艷艷腐皮自斂白漫漫一身多爽  
快五臟盡和歡此屬純陽俱陽治百人百可保全安

癰疽陰症歌第四

純陰初起不知瘡粟米之形疣瘡僵不紅不腫不知  
痛少熱少焮少隄防七朝之後身體倦瘡根平大喜  
澆湯頂不高兮根不活色不光兮腐不穰陷軟無膿  
空結聚脉浮散大細飛颺飲食不食身戰戰嘗湯止  
許意忙忙瘡上生衣如脫甲孔中結子似含芳膿多  
臭穢身難便舉動伶惶韻不長瘡形成紫黑面色變  
青黃精神昏憤多野睡言語無人自發揚口乾多舌  
強痰喘定身亡此屬純陰俱不治百人百可到泉鄉

癰疽半陰半陽症歌第五

陰陽之症兩相交生死同兼事可招微熱微寒微赤  
腫半昏半爽半平高脉來雖數多無力飲食雖食便  
不消腫而不潰因脾弱潰而不斂爲膿饒大便多溏  
小便數上身有汗下身焦五善雖兼有七惡未全逃  
口渴喜茶腸腹痛面浮饜飲足心高心煩不穩睡神  
亂怕音焦投方應病方爲妙陰轉爲陽漸可調心真  
造化爾命堅牢逢之佳是神僊半死餘生定莫逃

癰疽五善歌第六

心善精神爽言清舌潤鮮瘡疼兼不渴  
睡醒得安然  
肝善身輕便因煩自不煩指頭紅活色  
坐起覺平康  
脾善唇滋潤衾幃蘭麝香凡食俱有味  
膿厚更肥黃  
肺善聲音響無痰韻更長肌膚多滑潤  
大便自尋常  
腎善誠爲要水升火自降口和兼不渴  
小水得稀長

癰疽七惡歌第七

一惡神昏憤心煩舌上乾瘡形多紫黑  
言語自呢喃

外科正宗卷之二十一  
二惡腰身強目精邪視人瘡頭流血水驚悸是肝逆  
三惡形消瘦膿清臭穢生瘡形多軟陷脾敗不知疼  
四惡皮膚稿聲嘶韻不長痰多兼喘急鼻動肺將亡  
五惡成消渴隨飲卽隨乾形容多慘黑囊縮腎家端  
六惡身浮腫腸鳴嘔餓頻太腸多滑泄臟腑並將傾  
七惡瘡倒陷形如割離同四肢多冷逆汚米自流通

治病則例歌第八

外科之瘡有治例說與君家須切記病端百出別根

因方法一囊豈同類熱與寒通曉秘寒中消息知端的通多不足秘多餘熱實寒虛分難治陽似陰陰似陽似中妙理要推詳不分表裏一例治輕變重而重變于醫者貴乎多應變不可偏執用其方且如表症惡寒宜用荆防敗毒散裏症發熱可將內疎黃連湯瘡勢已成托裏消毒散誠爲正法內膿將潰十全大補湯最得相當人參養榮湯治潰後虛熱發作木香流氣飲散結腫寒溼爲殃飲食不其定用香砂開胃

精神怯少須將參朮回陽陰虛陽虛須入珍最爲要  
領盜汗自汗得獨參一味可強潰後多疼乳香定痛  
散功奇莫緩脾虛下陷補中益氣湯功效尤良口燥  
謔言瀉實火須黃連解毒湯心煩衄血理虛陽必犀  
角地黃湯古法治癰疽稱述仙方活命飲今時醫發  
背還期神授衛生湯蟾酥丸在外科稱爲獨品護心  
散解內毒號曰無雙詎知蠟藥護心可美淡  
中有味還讚玉紅膏生肌生肌散呈祥身涼



自汗腹痛腸鳴嘔逆豈逃與功散無臥不寧虛陽發

躁膿多定用聖愈湯生脉散接虛羸脉來微細歸脾

湯除驚悸睡得安康竹葉石膏湯治虛煩身熱者何

須疑慮麥冬清肺飲除膈熱有痰者毋待商量金鯉

湯治肺癰吐膿氣急玄龜丹攻結毒臭腐頑瘡風熱

生瘡通聖散瘡瘍狂躁破棺丹小柴胡湯除客邪往

來潮熱大防風湯攻腿膝寒溼爲殃咽腫咽疼定用

清咽利膈散斑紅斑紫豈逃化斑解毒湯八味丸捐

口乾妙藥二神丸治脾泄奇方香連丸爲臟腑瀉痢  
通用并露飲治口齒腐爛相當六和湯和脾止吐瀉  
雙解散解表理內傷逍遙散善治女人諸病保元湯  
常扶赤子多傷皮膚毛髮乾焦蘆薈丸効應甚捷咽  
喉口齒腫痛冰硼散功實非常滋腎丸治下元腎虛  
不固涼膈散解上焦膈熱多煩九龍丹消魚口吞之  
滅跡二蛟散行溼腫服下安康呂祖一枝梅止痢定  
驚稱爲仙藥真君妙貼飲消癰疽疔毒號曰神方痔漏

瘦癰疔毒古誇三品錠癰疽流瀉諸風今羨萬靈州  
柴胡清肝湯治鬢疽肝膽有效黃連消毒飲醫對口  
督脉尤良小兒口内生疳必用人中白散大人咽喉  
腫痛須將金鎖匙湯下疳新久珍珠散小便淋瀝木  
通湯玉真散破傷風効復元湯跌撲稱強提肩散治  
肱膊強直作痛拈痛湯除痛腿風溼相傷小便生疳  
龍膽瀉肝湯可羨大頭腫痛普濟消毒飲何妨便毒  
懸癰內消散吞何足慮腎癰腿病芪柴湯下自無殃

又有女子陰瘡能腫能疼能至癢在人活法或消或  
補或蟲妨蓋男子之囊癰瀉肝經之溼熱小兒赤遊  
丹解毒兼破血凡治楊梅瘡戒薰爲至切舌下發瘰  
包利剪方能泄出如雞蛋清消痰是真訣結毒與頑  
瘡紫金膏可設風瘡徹骨癢雄黃散効絕疔瘡先刺  
血內毒宜汗泄禁灸不禁針怕綿綿者毒陷也不怕鐵鐵者  
入針堅又有失榮腫堅硬如岩凸強陰失道症形狀  
瘦有聲要分別婦人之乳岩此中一例決未破肉憎穢已潰

流臭血如此幾般症古今無治說瘡有數百種難以  
都陳曰惟在一點心何須三寸舌學者若精靈萬事  
皆通徹此爲龐樸歌可譏亦可聞

癰疽灸法併禁灸瘡穴第九

凡瘡初起惟除項之以上餘皆並用艾火隨瘡勢之  
大小灸艾壯之多少用蒜切成薄片安於瘡頂上着  
艾炷蒜上點火三壯一換蒜片初灸覺痛以不痛似  
瘳爲止初灸不痛以知痛瘳爲佳如初灸全然不覺

痛癢宜去蒜當明灸之又陰瘡日數多者艾炷不及其事以蒜搗爛鋪於瘡上以艾亦鋪蒜上點火灸之必知痛其爲効此爲火氣方得入裏知痛深處方是好肉蓋艾火援引鬱毒透通瘡竅使內毒有路而外發誠爲瘡科首節第一法也貴在乎早灸爲佳又有禁灸數症亦以參詳頭乃諸陽之首純陽無陰之處凡生瘡腫俱是亢陽熱極所致如再加艾火使毒氣熾甚隨後反加大腫最能引動內痰發之必死面生

疔毒亦然又有腎俞一穴在於兩腰脊傍係內腎命根所係之處此穴發瘡多因房勞素虧腎水枯竭而成若再加艾灸火燂其源必致內外乾涸多成黑陷昏悶而死又有患者元氣素虛發瘡多不高腫其人體必倦怠精神必短而昏脉必浮散空虛數而不鼓此內無真氣抵擋火氣如灸之其人必致昏憤而死常謂艾火不虧人此言悞之多矣醫者亦宜詳察之

論病生死法第十

初生如粟裏可容谷外面如麻裏面如瓜外面如錢裏可容拳起勢大終無害未老先白頭無膿軟陷休瘡從疔瘡起有膿生方許腫潰氣昂昂不治自安康根高頂又高八十壽還饒嗽腫易腐爛任大終無恙瘡高熱歟疼雖苦必然生瘡軟無神氣應補方爲益肉腫瘡不腫必竟生疑恐膿穢不進食泄瀉黃泉客瘡色猪肝紫無膿必定死綿潰不腐爛內怕葡萄嵌仰臥不知疼陰症命難生腐盡有敗氣笑裏終生淚



根散瘡平塌神仙無治法久病目露神必竟命難存  
面忽似塗脂十日後分離敗中有紅肉雖重生門路  
新肉如板片不食終須變手足皮枯槁血敗生難保  
脣白眼無神腹脹瀉將傾醃氣不滯氣雖重多生意  
眼目黑氣濃癰疽怕此逢房中香馥馥是病終爲福  
瘡熱身微熱輕病何須說生死此中求片言一可決

察形色順逆第十一

凡看人病兼視其形色後與脉病相參誠識於始以

決其終百無一失矣何以知之陰病見陽色腮頰紅  
獻陽病見陰色指甲呈青此二者俱死又身熱脉細  
唇吻反青目珠直視者死面如塗脂色若土黃油膩  
黑氣塗抹者死唇舌乾焦鼻生煙煤眼神透露者死  
形容憔悴精神昏短身形縮小者死喘麤氣短鼻掀  
睛露語言謔妄者死循衣摸牀遺尿失禁撮空者死  
頭低項軟眼視無神吸吸短氣者死皮破無血肉綻  
爛斑麻木不知痛癢者死齒黃色如煮豆唇白反理

無紋耳黑枯焦不聽人中縮而坦平口張氣出無回  
閉鼻煽相隨呼吸行汗出如珠不散痰若膠而堅凝  
白血紅如肺色指甲灣而帶青神昏神浮神亂神離  
縑衣生滿而黑氣慘天庭逢之都沒命法在此中評

病有三因受病主治不同論第十二

三因者內因外因不內外因此說從於先古其詞意  
尚有發而未盡者內因者皆起於七情蘊結於內又  
兼厚味膏粱薰蒸臟腑房慾勞傷虧損元氣乃五臟

受之其病由此內發者但發之多在富貴人及肥胖者十有八九其見症瘡多堅硬根蒂深固一便不調飲食少進外軟內堅平陷無膿表實裏虛毒多難出得此者卽病症之內傷也故曰內因外因者皆起於六淫體虛之人夏秋露卧常風取涼坐眠溼地以致風寒溼氣襲於經絡又有房事後得之其寒毒乘虛深入骨髓與氣血相凝者尤重或外感風邪發散未盡遂成腫痛此肌肉血脉筋骨受之其病由此外來

者發之多在不善調攝薄勞碌人十有八九見症  
多寒熱交作筋骨疼痛步履艱辛溼痰流毒以及諸  
風癱瘓口眼歪斜半身不遂風溼風溫天行時毒等  
症得此者卽疾病之外感也故曰外因又有不內外  
因內無七情干內外無六淫傷外何由來也其病得  
之於饑飽勞役喜怒不常飲食者冷熱不調動作者  
勤勞不惜以致臟腑不和榮衛不順脾胃受傷經絡  
凝滯故爲疾者外無六經形症內無便溺阻隔其病

多生於膜外肉裏肌膚之間似瘰癧痰注氣痞癰瘡之屬治法不必發表攻裏只當養氣血調經脉健脾和中行痰開鬱治之法爲最善此是三因理之盡矣

調理須知第十三

凡人無病時不善調理而致生百病況旣病之後若不加調攝而病豈能得愈乎其調治有法初起病時先看病者元氣虛實次者瘡之陰陽險否然後用藥調治當攻卽攻可補便補不可因循耽誤以致變態

不虞也且患者又當安定心神相惡諸念毋使陰慌  
乃保神氣不得變亂也再順天時假如夏熱坐卧不  
可當風忌置水於榻前牀下冬寒須避起居常要溫  
和并非柴火不可開瘡看視常有寒侵致生多變又未  
潰之先毒氣內作倘有口乾渴症者涼物須當少少  
與之以滋蘊熱至膿潰之後生冷硬物一槩禁之不  
然傷脾損胃膿必難成致瘡軟陷又難收歛飲食須  
常香燥甘甜粥飯隨其喜惡毋食過飽宜少宜熱宜

濃方無停滯又得易化故也如大瘡潰後氣血兩虛  
脾胃並弱必製八僊糕早晚隨食數餅以接補真元  
培助根本再熬參朮膏如患者脾胃俱虛飲食減少  
胸膈不寬飲食無味者用白朮膏三匙人參膏二匙  
清米湯空心化服喜飲者酒化亦可若精神短少昏  
沉多睡自汗勞倦懶於動作者用人參膏三匙白朮  
膏二匙亦酒化服如肌膚羸澁面蒼不澤或大便血  
少虛秘以及皮乾髮稿者同地黃膏各二匙和服或



飲陽春酒更妙其功強健精神頓生氣血開胃助脾  
潤肌榮骨此二藥功甚非小大瘡不可缺之實非草  
藥之比病者常信用之乃無更變虛視者又多反復  
不常故有易愈難愈之態實在乎得此失此之規也

雜忌須知第十四

凡病雖在於用藥調理而又要關於雜禁之法先要  
灑掃患房潔淨冬必溫幃夏宜涼帳庶防蒼蠅蜈蚣  
之屬侵之一切尼僧孝服經事見行婦女及遠客生

人開瘡時俱當忌見牛犬腥膾醢臘薰藏之物俱能  
作渴生乾爪菓梨柿菱棗生谷等類又能損胃傷脾  
鷄鶩羊肉蚌蛤河豚蝦蟹海腥之物並能動風發癢  
油膩煎炒烹炙鹹酸厚味等件最能助火生痰赤豆  
蕎麥動氣發病惱怒急暴多坐痞滿飲食太過必致  
脾殃瘡愈之後勞役太早初爲癰疽入房太早後必  
損壽不避風寒復生流毒不減其味後必瘡癢無度  
大瘡須忌半年小瘡當禁兩月此誠爲知命君子事也

瘡瘍看法

初起頂高根活色赤發熱焮腫疼痛日漸高腫者順  
已成焮痛皮薄光亮飲食如常二便調和身溫者順  
已潰膿稠色鮮不臭腐肉自脫焮腫易消身輕者順  
潰後膿厚稠黃新肉易生瘡口易斂飲食漸進者順  
初起頂平根散色暗微腫不熱不疼身體倦怠者逆  
已成腫堅色紫不作膿不腐潰惟口乾多煩躁者逆  
已潰皮爛內堅不腐腫仍不消痛仍不減心煩者逆

潰後膿水清稀腐肉雖脫新肉不生色敗臭穢者死

### 腫瘍治法

初起知痛或不痛起發或不發非論陰陽表裏日數遠近但未見膿者俱宜灸之既灸不消痛癢明灸之  
焮腫發熱疼痛有時脉來浮數無便秘者宜藥托之  
身體拘急脉緊惡寒飲熱就暖者邪在表也宜汗之  
腫硬痛深口乾便秘身熱脉實者邪在裏也宜下之  
焮痛勢甚煩燥飲冷舌乾口燥者火在上也宜清之

腫痛堅硬背如負石惡心乾嘔邪毒在肉解毒拔之  
腫痛日深肉膿不出瘀肉塗塞瘡口者急宜開割之  
軟慢不作膿及不腐潰者陽氣虛也壯脾胃助陽氣  
身涼自汗手足並冷六脉虛細便泄陽脫也急溫之

### 癰疽治驗

一男子年五十餘背心生疽十三日矣湯水全然不  
入堅硬背如負石煩悶不語請視之瘡勢雖重皮  
色亦紫喜其根脚交會明白毒尚結局於此未經

入內故可治之須行拔法使毒氣外發不致內攻  
爲要隨煮藥筒提拔二次其法惡血碗許又麻實  
便秘以內疎黃連湯及豬膽塗法大便通利矣  
使內外毒氣皆得通泄隨夜睡卧得寧背重失其  
大半次用托裏排膿之藥外以桑木灸法腫硬漸  
腐膿毒漸出換服十全大補湯加麥冬五味數服  
腐肉自脫飲食漸進瘡口漸合調理兩月餘而愈  
老婦年近七旬背瘡已過半月形勢全然可畏彼

家俱置不治惶惶整備後事召予看童稚瘡恙見  
問其故舉家大小咸言待斃朝各予強借觀可否  
視之瘡形半背皆腫瘡雖不高亦不內陷以手按  
之外實而內腐老年內虛膿毒中隔不得外發故  
也雖飲食不食且喜根脚兩無混雜臟腑各無敗  
色乃有生之症也病家故執不信文言籤龜命卜  
俱斷必死治豈生乎予嗟可惜也再三四日不治  
內膜穿潰必死此命陷於無辜矣次日予心不服

自往討治喟然歎曰予非相強實見其有生不忍  
捨其待死固欲強之醫後藥金分毫不取直待愈  
者果愈隨其酬補何如彼衆方書先用慈葢傷淋  
洗瘡上外面俱是不腐頰肉隨用拔針利剪正中  
取去二寸頰肉放通膿管以垂輕重之間捺淨內  
畜膿血交流不往約有盞碗傍視者無不點頭失  
色待膿血稍盡仍換前湯洗淨用膏封貼內用回  
元大成湯二服以接補其氣後用大參養榮湯倍



參朮加香附早以八味丸八仙糕相兼調理欲其  
脾健食進腐脫肌生況此婦謹慎調理並未更變  
出百病瘡愈身健而安自後方信予言無謬也  
一監生年過五旬素有渴症身又肥胖之極生背疽  
約有尺許至十二朝後請治視其瘡勢微腫色淡  
微紅根脚半收半散此陰陽相等之症也況肥人  
內虛瘡勢又大非補托瘡必難起毒必易陷恐後  
不及事也初服便以托裏散固其內候至十五日

外用披針小小從頂放通三孔庶使內膿內毒有  
路而出勢大不可過放走泄元氣恐膿難成內用  
參芪內托散倍加人參黃芪各三錢服至二十日  
大膿將發日至升許早以參朮膏午用十全湯加  
參芪各四錢麥冬五味子各一錢服至月餘肉腐  
通潰膿似湧泉間用聖愈湯八仙糕兼之調理保  
胎脾胃增進飲食後恐前藥不勝其事藥中加熟  
附一錢喜其脾健膿稠色黃而止至四五月外瘡

勢方得微退時值仲夏天炎酷熱患者生煩悞飲  
冷水二碗至晚瘡隨下陷忽變爲陰不痛無膿身  
涼脉細腹痛足冷彼覺請視瘡形軟陷脉亦細微  
此瘡因寒變之故也非辛熱不可回陽急用十二  
味異功散倍人參熟附各三錢不應此藥力不勝  
其寒也換川生附人參各五錢早晚二服方得身  
溫脉起瘡高腹痛又二服膿似前流大膿出至一  
月約有百碗餘竟不減少外皮紅退亦不腐爛此

肥人外實而內虛皮故不腐而內潰也又用玉紅膏貼於綿花片上推入患內膏蓋之其內腐漸脫漸出又十日後出大腐一塊約有六兩自後腫消身便膿少漸長生肌百日外方得平復人參服過五斤外附子亦用十兩餘方得全安此症設用解毒傷脾宜利等藥不用辛熱峻補豈有得生之理一鄉官年踰七旬餘發瘡右背已經八日外視之瘡雖微腫色淡不紅勢若龜形根漫不聳此老年氣

血衰弱之故也。胗其脉帶微數而有力，此根本尚有蒂也。雖老可治。隨用排膿內托散，加皂刺以潰膿。托裏爲要。服至十三日後，瘡漸腫高，色亦漸赤，便不能腐潰爲膿。此食少脾弱，不能培養之故也。又用十全大補湯數服，膿亦漸出，不能快利。凡膿澀滯者，內膜中隔不通故也。不可惜其老而誤其大事。隨用拔針，當頭取開寸許，捺通膿管。果膿隨出，以猪蹄湯洗淨，膏蓋。後用照藥，每日一次，外肉

漸腐爲膿患者形色枯槁不澤更用八參養榮湯  
倍加參芪托裏腐肉將脫者取之新肉欲生者培  
之但老年氣血不能速効又加服參朮膏早晚二  
次以後新肉方生飲食頓倍調理七十五日而安  
一庠生年六十餘患背疽十目外視其瘡形堅硬色  
赤深紫頭發甚多食若螺子豎長尺餘根橫半背  
且喜其弓腫光亮發熱掀痛脉得洪數而有力此  
瘡得於膏粱醇酒溼熱蒸鬱之故也雖重不妨隨

用照藥三條相應照畢其頭內含螺子盡欲吐出  
亦用抵脚括去又流惡血鍾許蔥湯洗淨搽上腐  
藥用紙蓋貼周圍根脚用吸毒散敷之收其毒氣  
庶不開大次日仍照仍敷三日後外肉漸腐內加  
托藥培助脾胃解毒爲膿早服八味丸以滋腎水  
換洗蹄湯仍將膏貼候其腐盡深入寸餘隨用紅  
膏日漸日長但此公素性好飲雖在恙中不能相  
忌兩月後新肉雖平嬌嫩不能結皮完口因嫌戒

飲復將浮嫩之肉盡行剪去用膏貼數日待肉老  
平換用珍珠散搽上數次方結老蓋八十日而安  
一老年人患疽半月其瘡貫脊徧背皆腫上至肩膊  
下至腰脇腫若瓜形頭計數百彼家以爲勢重不  
治予診其脉微洪而不鼓又兼腫嫩外發詢問飲  
食知味其年雖老而根本尚有餘也雖老何慮先  
用托裏消毒散二服其勢稍定外加桑木條法助  
力腐潰根以鐵筒膏箍之更服排膿肉托散候正



膿漸出但老年氣血外肉不能易腐視其肉色相  
變不能腐化者隨用針鈎利剪徐徐剪去其形腐  
四寸餘長低尺許凡見紅肉便用膏塗其新肉已  
生將半時值隆冬患家自行開瘡洗看失着柴炭  
之火又兼蓋護未暖外被寒侵次後瘡色淡白膿  
反清稀飲食減少氣體不舒請視之此不遵調法  
愛護乃被寒氣侵入也雖變不妨因瘡原稟於陽  
故能不失陽矣房中不着柴火烘薰暖氣逼盡餘

寒開瘡相看果應前言也隨用濃葱湯乘暖淋洗  
將紅膏烘化搽上外用膏貼以熱綿軟絹覆疊數  
層繡蓋甚密內用神功托裏散早晚連進二服次  
早復看其瘡自回陽矣已後遵法調理百日而安  
一老人年過六旬患背疽十二日矣視其瘡形半腫  
半紅微疼微熱其患發於背心之下腎俞之上高  
低平等廣闊八寸根脚泛腫色若水噴頂軟無神  
似腐非腐兼胗脉浮而大重按而虛此瘡利於腫

潰不利於收歛辭不可治彼家喟然而笑復請里  
中老醫視之見患者起居平和言語清利舉動如  
常飲食有味此爲五善俱具是安若泰山之症也  
何必相慮彼家得此欣躍萬態隨用其藥日漸有  
功膿潰腫退腐盡肌生彼此以爲萬安之象也予  
常對患家親族言此病不可待必死於收口至錢  
大時也衆若以予爲胡說後問收口只有錢許未  
合予曰不久居也急備後事恐不及矣不數日變

症一出不四朝而死後里人始信予之前言是矣  
一男人六旬有二發生右搭先用艾灸次漸形勢高  
腫堅硬不痛十五日後尚未潰膿日生煩悶恐其  
毒陷先用針通隨行拔法拔出惡血鍾許已後稍  
得輕便搽上化腐之藥膏蓋用至三日其瘡漸作  
腐潰至二十日亦出正膿壞肉漸脫新肉漸生此  
外治之法盡矣因病家與內科一醫平交甚切托  
彼用藥內服而不遵外科補托之法自執已見不

聽予言失於峻補每日人參不過二錢以爲足用  
予曰不及法當五錢兼熟附二錢方爲稱病不然  
必生變矣彼此不信後果肉色淡白瘡口散大膿  
水清稀飲食減少此敗症具矣後雖強投溫中健  
脾大補之藥終則不應至於形體消削膿水臭穢  
延至六十日歷盡氣血而亡然後方自懊悔殊不  
知凡大瘡每日膿出一碗用參必至三錢以此爲  
則況本病出膿日有三碗用參三錢謂之大損小

補豈不歸死又外科乃破漏之病最能走泄真氣如損補兩不相敵無以抵當往往至於不救者多矣此爲不信於補而執俗見自取敗亡者也可惜一男子年近六旬時值仲夏背生熱癰二十餘處彼家邀請視孫瘡恙見彼坐於堂滿背皆癰予略視之內有一瘡比癰甚小其毒甚大予對曰此非瘡癰比也後發勢不可及彼笑而答之無恙也乃卽送至門庭予又囑曰可急請他醫治之不可緩待

俱不聽信又至十日形勢稍發命里中一醫治之  
又曰是癰也又十日形勢內陷敗症齊出稍信前  
言方央親友邀予相視其人睡臥於堂帛覆瘡上  
登堂未進二三步卽退人曰何也予曰敗氣滿前  
死期速矣何必視瘡急備後事再七日死後果如  
言不差時刻此爲諱疾忌醫致其自敗者也可惜  
以上治法種種不能枚舉聊陳數條與同志者採訪  
觀之所謂得其要者一言而終不知其要者流散

無窮但病不叅透舉手錯亂醫理精明決斷自成

### 腫瘍主治方

神授衛生湯

神授衛生方芷甲皂翹歸尾銀花草

羌乳紅沉石決明大黃花粉効如神

治癰疽發背腦疽對口丹瘡瘰癧惡毒疔瘡溼  
痰流注及外科一切瘡症但未成者即消已成  
者即潰能宣熱散風行瘀活血解毒消腫疎通  
臟腑且藥性平和功效甚速誠外科首用方也

羌活

八分

防風

白芷

川山甲

土炒研



沉香

紅花

連翹

石決明

煨各六分

金銀花

皂角刺

歸尾

甘草節

花粉

各一錢

乳香

五分

大黃

酒拌炒二錢 脈虛便利者不用

水二碗煎八分病在上部先服藥隨後飲酒一

杯病在下部先飲酒一杯隨後服藥以行藥勢

肉消沃雪湯

肉消沃雪青陳皮射干芍貝銀花粉

乳沒翹針甲芷芪木香甘草大黃歸

治發背併五臟內癰尻髻諸腫大小腸癰肛門

臟毒初起但未出膿堅硬疼痛不可忍者並服

青皮

陳皮

乳香

沒藥

連翹

黃芪

當歸

甘草節

白芷

射干

天花粉

川山甲

貝母

白芍

金銀花

皂角刺

各八分

木香

四分

大黃

二錢

水酒各一碗煎至八分量病上下食前後服之

內疎黃連湯

內疎黃連湯木香  
桔梗甘草連翹等

梔歸芍芍薄荷郎  
大黃加倍効能強

治癰疽腫硬發熱作嘔大便秘澀煩躁飲冷噤

喉心煩舌乾口苦六脉沉實有力此邪毒在臟也急宜服此以內除之使邪氣不得傳變經絡

木香

黃連

山梔

當歸

黃芩

白芍

薄荷

檳榔

桔梗

連翹

各一錢

甘草

五分

大黃

二錢

水二茶鍾煎八分食前服臨服加蜜二匙亦可

保安萬靈丹

保安萬靈丹木蝎羌活荆防細辛等

天麻歸斛草苧殊麻雄黃之共三烏

治癰疽疔毒對口發頤風溼風溫溼痰流注附

骨陰疽霍膝風症左癱右瘓口眼喎斜半身不遂氣血凝滯徧身走痛步履艱辛偏墜疝氣徧正痛痛破傷風牙關緊閉截解風寒無不應効

茅朮

八兩

全蝎

石斛

明天麻

當歸

甘草

炙

川芎

羌活

荆芥

防風

麻黃

北細辛

川烏

湯泡去皮

草烏

湯泡去皮尖

何首烏

各二兩

明雄黃

六錢

右爲細末煉蜜丸彈子大每藥一兩分作四丸

兩作六九一兩作九九三等做下以備年歲  
老壯病勢緩急取用預用硃砂六錢研細爲衣  
磁礮收貯如惡瘡初起二三日之間或癰疽已  
成至十朝前後但未出膿者狀若傷寒頭疼煩  
渴拘急惡寒肢體疼痛惡心嘔吐四肢沉重恍  
惚悶亂坐卧不寧皮膚壯熱又治傷寒四時感  
冒傳變疫症但惡寒身熱表症未盡者俱宜服  
之用連翹大蔥白九枝煎湯一茶鍾將藥一丸

乘熱化開通口服盡被蓋出汗爲効如服後汗  
遲再用葱白湯催之後必汗如淋洗漸漸退下  
覆蓋衣物其汗自收自斂患者自然爽快其病  
如失但病未成者隨卽消去已成者隨卽高腫  
潰膿如諸疾無表症相兼不必發散者只用熱  
酒化服此方原載於諸風癰瘰門予每用之發  
散瘡毒其功甚捷故移錄於此詳觀此方治腫  
瘍甚効者何也凡瘡皆起於榮衛不調氣血凝

滯乃生癰腫觀此藥性專發散又能順氣搜風  
通行經絡所謂結者開之況瘡毒又乃日積月  
累結聚所發苟非甘溫辛熱發泄以汗疎通安  
能得効所謂發散不遠熱正合此方之意無謬  
也服後避風當食稀粥忌冷物房事孕婦勿服  
雙解復生散雙解荆防芎芩芪  
歸起滑石銀菴活  
參朮硝黃共得宜  
治癰疽發背諸般腫毒初起增寒發熱四肢拘  
急內熱口乾大小便秘宜此藥發表攻裏並効

荆芥

防風

川芎

白芍

黃芪

麻黃

甘草

五分

薄荷

山梔

當歸

連翹

滑石

金銀花

羌活

人參

白朮

各八分

大黃

芒硝

各二錢

水二碗表症甚者薑三片葱頭一二莖裏症甚者

臨服加生蜜三匙和服爲發表攻裏雙解藥也

內消散

內消散內用銀花  
半夏川山併皂刺

知貝天花白芨加  
乳香功效病無嗟



治癰疽發背對口疔瘡乳花百種無名腫毒一切反瘡此藥能令內消化毒爲黑冰從小便而出勢大者雖未全愈亦可轉重就輕移深居淺

金銀花

知母

貝母

天花粉

白芨

半夏

川山甲

皂角針

乳香

各一錢

水酒各一碗煎八分隨病上下食前後服之留藥渣搗爛加秋芙蓉葉細末一兩白蜜五匙同

渣調敷瘡上一宿自消重者再用十服忌口効

清熱消風散

清熱消風散芎芩  
柴苓防草與紅花

歸粉銀花翹皂角  
陳皮蒼朮莢無落

治癰疽諸毒瘡腫已成未成之間外不惡寒內

無便秘紅赤高腫有頭焮痛宜服此藥和解之

防風

川芎

當歸

黃芩

白芍

天花粉

金銀花

甘草五分

連翹

紅花

柴胡

蒼米

陳皮

黃芪

角刺各錢

水二茶鍾煎八分食遠照婦人加香附童便炒  
已上七方癰疽七日已前瘡勢未成形體壯實  
表裏之症相合者宜服病退卽已如過七日以  
後形勢已成便宜用後托裏等藥催毒在外以  
速其膿禁前表下之藥損傷元氣致生多變矣  
內固清心散 內固清心散茯苓 砂雄 芫 薏 乳 香 稱 甘草 萊 豆 玄 明 粉 人 參 冰 片 可 清 心  
治癰疽發背對口疔瘡熱甚掀痛煩躁飲冷有  
此症者可預防毒氣內攻當服此藥庶不變症

茯苓

辰砂

人參

玄明粉

白豆蔻

甘草

乳香

明雄黃

冰片

錢一

真豆粉

兩二

右爲細末每服一錢五分蜜湯調下不拘時候

護心散

護心散中豆粉佳  
每服二錢頻送下

乳香甘草共硃砂  
敢交嘔吐自無他

治瘡毒內攻口乾煩燥惡心嘔吐者宜用此藥

真豆粉

兩一

乳香

淨末  
三錢

硃砂

錢一

甘草

末一  
錢

共研極細每服二錢白滾湯調服早晚二次

琥珀蠟礬丸

琥珀蠟礬丸琥珀雄黃蜂蜜丸成就

明礬黃蠟與硃砂護心護膜効堪誇

治癰疽發背已成未膿之際恐毒氣不能外出

必致內攻預服此丸護膜護心亦且散血解毒

白礬

一兩二錢

黃蠟

一兩

雄黃

一錢二分

琥珀

一錢另研極細

硃砂

一錢二分

蜂蜜

二錢臨入

右四味先碾研極細另將蜜蠟銅杓內溶化離火片時候蠟四邊稍凝時方入上藥攪勻共成一塊以一人將藥火上微烘衆手急丸小寒

豆大用硃砂爲衣磁罐收貯每服二三十九白

湯食後送下病甚者早晚日進二次其功最効

托裏消毒散

托裏消毒散人參二芎芍芪歸木茯苓  
角針白芷銀花等一桔梗甘草効如神

治癰疽已成不得內消者宜服此藥以托之未

成者可消已成者卽潰腐肉易去新肉易生此

時不可用內消泄氣寒涼等藥致傷脾胃爲要

人參

川芎

白芍

黃芪

當歸

白朮

茯苓

金銀花

各一錢

白芷

甘草

皂角針

桔梗各五分

水二鍾煎八分食遠服脾弱者去白芷倍人參

排膿內托散

排膿內托散芎歸甘草桔梗併肉桂

參朮苓陳芍茯苓隨方加減在人爲

治癰疽腦項諸發等瘡已潰流膿時宜服此藥

當歸

白朮

人參

各二錢

川芎

白芍

黃芪

陳皮

茯苓各一錢

香附

肉桂各八分

甘草

五分

白芷

項之上加三分

桔梗

胸之上加五分

牛膝

下部加五分

薑三片水二茶鍾煎八分食遠服

乳香黃芪散

乳香黃芪散乳沒  
芎歸白芍與陳皮

栗壳參芪甘草撮  
加上熟地疼卽脫

治癰疽發背諸毒疔瘡疼痛不可忍者或未成者速散已成者速潰敗腐膿毒不假刀砭其惡肉自然脫下及治打撲傷損筋骨疼痛並服之

乳香

沒藥

各五分

黃芪

栗壳

去筋膜  
蜜炒

人參

甘草

川芎

歸身

白芍

陳皮

熟地黃

各一錢



水二鍾煎八分量病上下食前後服之

神功肉托散

神功肉托散方芪附子木香甘草炙

歸木陳皮白芍宜參苓山甲起無煎

治癰疽腦項諸發等瘡至十四日後當腐潰流膿時不作腐潰更兼瘡不高腫脉細身涼者用

當歸

二錢

白朮

黃芪

人參

各一錢五分

白芍

茯苓

陳皮

附子

各一錢

木香

甘草

炙各五分

川芎

一錢

山甲

炒八分

煨薑三片大棗二枚水二茶鍾煎八分食遠服

透膿散

透膿散內用黃芪 山甲 芎 歸 總得宜  
加上角針頭自破 何妨膿毒隔千皮

治癰疽諸毒內膿已成不穿破者宜服之即破

黃芪

錢四

山甲

炒末 錢一

川芎

錢三

當歸

錢二

皂角針

錢五分

水二鍾煎一半隨病前後服臨入酒一杯亦好

竹葉黃芪湯

竹葉黃芪湯 草 芩 半夏 石膏 兼 淡 竹

麥冬 生地 可回津

治癰疽發背諸般疔腫表裏熱甚口乾大渴者

黃芪

甘草

黃芩

川芎

當歸

白芍

人參

半夏

石膏

淡竹葉

片十

麥冬

各八分

生地黄

一錢

水二鍾薑三片燈心二十根煎八分食遠溫服

回陽三建湯

回陽三建

附參

陳桂木紅甘紫草

歸木芍苓杞

活黃

陰疽危症効堪推

治陰疽發背初起不疼不腫不熱不紅硬若牛

皮堅如頑石十日外脉細身涼肢體倦怠皮如

鱗甲色似土硃粟頂多生孔孔流血根脚平散

軟陷無膿又皮不作腐手熱足涼者俱急服之

卷之五  
附子  
人參  
黃芪  
當歸  
川芎  
茯苓  
枸杞  
陳皮  
炙肉  
木香  
甘草  
紫草  
厚朴  
蒼朮  
紅花  
獨活

附子

人參

黃芪

當歸

川芎

茯苓

枸杞

陳皮

炙肉

各一錢

木香

甘草

紫草

厚朴

蒼朮

紅花

獨活

各五分

煨薑三片皂角樹根上白皮二錢水二碗煎八分入酒一杯隨病上下食前後服之用綿帛蓋暖瘡上預不得大開瘡孔走泄元氣爲要愚按凡背疽屬陰者皆由臟腑先壞而肉毒不得發

越於外也舊有用雞冠剪而滴於疽上者有醋  
黃雄艾敷用者猪腦熱藥敷圍者神燈火氣的  
照者此數法皆陰疽之用予雖常用未見其實  
但陰疽不起者如樹木之根壞強力培植枝葉  
而終無發生之理予常據理用藥固有得其生  
者予中三四譬如先要疎其嫁土通其地脉助  
其根本回其陽氣此四者缺一不可用蒼朮厚  
朴茯苓陳皮疎其土熱黃當歸紫草紅花通其

脉人參黃芪枸杞山藥助其未附寸末香甘草  
獨活回其陽如此證之但根本內有出脉未絕  
之氣服之俱可察其生又驗其手足溫暖瘡便  
發熱漸作焮腫復生疼痛色暗得活堅硬得腐  
胃氣得回此是藥之効驗必在三服中應之爲  
吉外兼照法接助回陽此通治陰疽之大法也  
黍米寸金丹 黍米寸金丹乳沒雄黃狗寶射蟾酥  
輕粉粉霜黑石下香狗鯉胆蜈蚣  
二名返魂丹三名出卦九四名追命丹五名延

壽丹六名來甦圓七名知命丸八名得道丸此  
方昔出異人所傳常有暴中急症忽然卒倒者  
幹開牙關研灌三丸其人卽活又能治發背腦  
疽徧身壅腫附骨癰疽等症初起增寒壯熱四  
肢倦怠沉重者并分表裏老幼輕重並宜服之

射香

五分

乳香

沒藥

雄黃

狗寶

輕粉

烏金石

各二錢

蟾酥

二錢

粉霜

水銀煉  
白色者

黃蠟

各三錢

礞砂

二錢

鯉魚胆

陰乾三箇

狗胆

乾用一箇

白丁香

四十根

金頭蜈蚣

七條全者  
酥炙黃色

頭胎男乳

一合

右件爲細末除黃蠟乳汁二味熬成膏子同藥

和丸藁荳大大入三九小兒用一九病重者五

九冷病用葱湯熱病用新汲水送下衣被密蓋

勿令透風汗出爲度諸病如失後食白粥調理

熏發背奇方

發背諸方此獨奇  
雄蠟射砂併沒藥

誰期照藥罕人知  
爲燈一照脫簪籬

治發背初起七日前後未成者自消已成者自



潰不起發者卽發不腐潰者卽腐誠爲良法也

雄黃

硃砂

血竭

沒藥

各二錢

麝香

四分

右五味研爲細末每用三分綿紙裹藥爲撚長約尺許以真麻油潤透灼火離瘡半寸許自外而內周圍徐徐照之火頭向上藥氣入內瘡毒隨火解散自不內侵臟腑初用三條漸加至四五條候瘡勢漸消漸減薰後隨用敷藥如已潰

大膿發泄時不必用此照敷只宜用膏藥蓋貼

敷藥方

薰後敷方有四般 車前 葦 蒼 五 龍 堪  
米粉銀花爲極和 敷之百腫自當安

車前草

連根葉

葦 蒼 草

五 龍 草

金 銀 花

各等分

右四味鮮草藥一處搗爛加三年陳米粉卽常

用糲衣者初起仍加飛鹽末二三分共打爲稠

糊徧敷瘡上中留一頂以膏蓋貼避風自然拔

出膿毒若冬月草無鮮者預採蓄下陰乾爲末

用陳米醋調敷亦如前法並効今恐前敷藥內

用五龍草隨地或有缺少不便合制予常薰後

頂以膏蓋周圍腫上以如意金黃散代敷亦効

如意金黃散

如意金黃散大黃  
南星厚朴天花粉

姜黃黃柏芷陳蒼  
敷之百腫自當安

治癰疽發背諸般疔腫跌撲損傷濕痰流毒大

頭時腫漆瘡火丹風熱天泡肌膚赤腫乾濕脚

氣婦女乳癰小兒丹毒凡外科一切諸般頑惡

腫毒隨手用之無不應効誠爲瘡家良便方也

天花粉

上白  
十斤

黃柏

色重者

大黃

姜黃

各五  
斤

白芷

五斤

紫厚朴

陳皮 甘草

蒼朮

天南星

各二斤

以上共爲咀片曬極乾燥用大驢磨連磨三次  
方用密絹羅厨篩出磁器收貯勿令泄氣凡遇  
紅赤腫痛發熱未成膿者及夏月火令時俱用  
茶湯同蜜調敷如微熱微腫及大瘡已成欲作  
膿者俱用葱湯同蜜調敷如漫腫無頭皮色不  
變濕痰流毒附骨癰疽鶴膝風症等病俱用葱

酒煎調如風熱惡毒所生患必皮膚宛熱紅色  
光亮形狀游走不定者俱用蜜水調敷如天泡  
火丹赤遊丹黃水漆瘡惡血攻注等症俱用大  
藍根葉搗汁調敷加蜜亦可湯潑火燒皮膚破  
爛麻油調敷具此諸引理取寒熱溫涼製之又  
在臨用之際順合天時洞窺病勢使引爲當也

### 四虎散

四虎散內用南星

草烏半夏効通靈  
藥內再添狼毒力  
癰疽頑腫即時寧

治癰疽腫硬厚如牛領之皮不作膿腐者宜用

南星

草烏

半夏

狼毒

各等分

右爲細末用猪腦同搗徧敷瘡上留正頂出氣

真君妙貼散

真君妙貼散奇功諸般異症皆堪効

蕎麵硫黃白麵同常取收功掌握中

治癰疽諸毒及異形異類頑硬大惡及瘡走散

不作膿者宜用此藥不痛者卽痛痛甚者卽止

明淨硫黃

計斤爲末

蕎麵

白麵

各五斤

共一處用清水微拌乾濕得宜木廂內曬成麵

片單紙包裹風中陰乾收用臨時再研極細用

新汲水調敷如皮破血流濕爛疼苦等症麻油

調搽天泡火丹肺風酒刺染布青汁調搽並効

回陽玉龍膏

回陽玉龍膏肉桂草烏赤芍與南星

白芷軍姜仍在位熱酒同調功更倍

治背疽陰病不腫高不熈痛不發熱不作膿及

寒濕流注鼓風久損冷痛痺風諸濕脚氣手足

頑麻筋骨疼痛及一切皮色不變漫腫無頭鶴

膝風等但無皮紅肌熱者一槩用之俱有功效

草烏

三兩炒

軍姜

三兩煨

赤芍

炒

白芷

南星

煨各一兩

肉桂

五錢

右製畢共爲細末熱酒調敷此藥有軍姜肉桂  
熱血生血旣生旣熱恐不能散而爲害故有草  
烏南星可以破惡氣祛風毒活死肌除骨痛消  
結塊回陽氣又有赤芍白芷足以散滯血住痛  
苦加以酒行藥性攻通氣血雖十分冷症未有  
不愈者誠爲寒灰之焰枯木之春大抵病冷則  
肌肉陰爛不知痛痒其有痛者又多附骨之痛



設若不除則寒根透髓尋常之藥固莫能及矣

沖和膏

沖和膏內紫荊皮白芷隨方加減法

獨活菖蒲赤芍宜諸般百症可堪醫

治癰疽發背陰陽不和冷熱不明者宜用此藥

紫荊皮

五兩炒

獨活

三兩炒

赤芍

二兩炒

白芷

一兩

石菖蒲

一兩半

右爲細末葱湯熱酒俱可調敷藥中紫荊皮乃

木之精能破氣逐血消腫獨活土之精動蕩凝

滯血脉散骨中冷痛去麻痺濕石菖蒲水之精

善破堅硬生血止痛破風消腫白芷金之精能  
去風生肌定痛赤芍藥火之精能生血活血散  
瘀除痛蓋血生則肌肉不死血動則經絡流通  
故肌活不致爛痛經通不致壅腫此爲散風行  
氣活血消腫祛冷軟堅之良藥也其中五行相  
配用者再無不効之理又流毒骨疽冷症尤効  
治發背將潰已潰時根脚走散不收束者用此

鐵桶膏

鐵桶膏中銅綠倍  
遠有晉蔡餅白芷

胆礬輕粉麝金香  
醋調箍腫不開張

銅綠

錢五

明礬

錢四

胆礬

錢三

五倍子

微炒

白芨

錢五

輕粉

鬱金

各二錢

麝香

分三

右為極細末用陳米醋一碗杓內慢火熬至一

小杯候起金色黃泡為度待溫用上藥一錢攪

入膏內每用頓溫用新筆塗膏瘡根上以綿紙

蓋其瘡根自生縐紋漸收漸緊再不開大為功

拔筒方

拔筒奇方毛獨活  
甘草白芷生葱等

紫蘇蘆薈艾石菖蒲  
一筒拔回壽命符

治發背已成將潰時膿毒不得外發必致內攻

乃生煩躁重如負石非此法拔提毒氣難出也

羌活

獨活

紫蘇

蘼艾

鮮菖蒲

甘草

白芷

各五錢

連鬚葱

二兩

預用徑口一寸二三分新鮮嫩竹一段長七寸

一頭留節用刃剗去外青留肉白一半約厚一

分許靠節鑽一小孔以柵木條塞緊將前藥放

入筒內筒口用葱塞之將筒橫放鍋內以物壓

勿得浮起用清水十大碗泝筒煮數滾約內藥

濃熟爲度候用再用披針於瘡頂上一寸內品  
字放開三孔深入淺寸約筒圈內將藥筒連湯  
用大磁钵盛貯患者榻前將筒藥倒出急用筒  
口乘熱對瘡合上以手捺緊其筒自然吸住約  
待片時藥筒已溫拔去塞孔水條其筒自脫將  
器倒出筒中物色看其何樣如有膿血相粘鮮  
明紅黃之色亦有一二杯許其病乃是活瘡治  
必終愈如拔出物色純是敗血氣穢紫黑稀水

而無膿意相粘者其病氣血內敗肌肉不活必  
是死瘡強治亦無功矣此法家傳屢經有驗如  
陽瘡易潰易膿之症不必用此以傷氣血此法  
陰瘡之用要在十五日前後堅硬不潰不膿者  
行之最當此法的有回天之効醫家不可缺也

豬蹄湯

豬蹄湯內羌甘草 赤芍黃芩白芷歸  
加上露蜂房更妙 諸瘡一洗脫凡衣

治癰疽諸毒已潰流膿時用此湯洗消毒氣去  
惡肉回死肌潤瘡口又能散風消腫腐盡則已

羌活

甘草

赤芍

黃芩

白芷

當歸

蜂房

各等分

右為粗末看疽瘡大小用藥多少先將獾猪前蹄一隻用白水六碗煮蹄軟為度將汁濾清吹去汁上油花用藥一兩投於汁中再用微火煎十數沸密絹濾去藥渣候湯半熱將軟絹蘸湯淋於瘡上輕手搨去瘀膿腐肉其惡物隨湯而下洗訖以絹帛挹乾照前總論次第如式用藥

又洗藥方

洗藥方中歸獨活 葱頭白芷甘草 癰疽腐盡此淋之 生肌長肉常誇說

當歸

獨活

白芷

甘草

各二錢

葱頭

五箇

用水三碗煎至藥爛濾清以絹帛蘸湯挹淨瘡

上隨搽貼紅黑二膏蓋之洗時切忌風寒爲要

常治背瘡輕易者以此代猪蹄湯用其功亦効

加味太一膏

太一膏中桂枝歸 將軍木鱉兼輕粉

乳沒丹參地芍魏 血餘槐柳共稱奇

治發背癰疽及一切惡瘡跌撲傷損濕痰流毒



風濕風溫偏身筋骨走注作痛內傷風鬱心腹  
胸背攻刺作疼腿脚酸軟腰膝無力湯潑火燒  
刀傷棒毒五損內癰七傷外症俱貼患處又男  
子遺精婦人白帶俱貼臍下臍毒腸癰亦可丸  
服諸般瘡癰血氣癰痒諸藥不止痛痒者並効

肉桂

白芷

當歸

玄參

赤芍

生地

大黃

土木鱉

各二兩

真阿魏

錢三輕粉四錢

槐枝

柳枝

各一百段

血餘

兩

東丹

四十兩

乳香末

五錢

沒藥

末三錢

右上一味併槐柳枝用真麻油足稱五斤將藥  
浸入油內春五夏三秋七冬十候日數已畢入  
潔淨大鍋內慢火熬至藥枯浮起爲度住火片  
時用布袋濾淨藥渣將油稱准足數將鍋展淨  
復用細舊絹將油又濾入鍋內要清淨爲美將  
血餘撒下慢火熬至血餘浮起以柳棒挑看似  
膏溶化之象方筭熬熟淨油一斤將飛過黃丹

六兩五錢徐徐投入火加大些夏秋亢熱每油  
一斤加丹五錢不住手攪候鍋內先發青烟後  
至白烟疊疊旋起氣味香馥者其膏已成卽便  
住火將膏滴入水中試軟硬得中如老加熟油  
若稀亦加炒丹每各少許漸漸加火務要冬夏  
老嫩得所爲佳候烟盡端下鍋來方下阿魏切  
成薄片散於膏面上化盡次下乳沒輕粉攪均  
傾入水內以柳棍撈成一塊再換冷水浸片時

乘溫每膏半斤扯拔百轉成塊又換冷水投浸

隨用時每取一塊銅杓內復化隨便攤貼至妙

生肌玉紅膏

生肌玉紅膏更奇  
並草歸身輕粉

其中淡味少人知  
白占紫草効堪推

此膏專治癰疽發背諸般潰爛棒毒等瘡用在

已潰流膿時先用甘草湯甚者用猪蹄藥湯淋

洗患上軟綿挹淨用抵脚挑膏於掌中捺化遍

搽新腐肉上外以太一膏蓋之大瘡早晚洗換

二次內兼服大補脾胃暖藥其腐肉易脫新肉

卽生瘡口自歛此乃外科收歛藥中之神藥也

白芷

五錢

甘草

一兩二錢

歸身

二兩

瓜兒血

輕粉

各四錢

白占

二兩

紫草

二錢

麻油

一斤

先用當歸甘草紫草白芷四味入油內浸三日

大杓內慢火熬藥微枯色細綃濾清將油復入

杓內煎滾下整血蚶化盡次下白占微火亦化

先用茶鍾四枚預頓水中將膏分作四處傾入

鍾內候片時方下研極細輕粉每鍾內投和一

錢攪肉候至一伏時取起不得加減致取不効

化腐紫霞膏

化腐紫霞膏粉蚬螺肉獐木同共末

芭荳草仁金頂砒敷之銅鐵也成灰

治發背已成癰肉不腐及不作膿者又諸瘡內

有膿而外不穿潰者俱用此膏不腐爛者自腐

不穿潰者自破其功甚於烏金膏及碧霞錠子

輕粉

華麻仁

研各三錢

血蚬

二錢

芭荳

研白仁五錢

朝腦

二錢

金頂砒

五分

螺蛸肉

用肉晒乾為末二個

右各為末共碾一處磁罐收貯臨用時旋用麻

油調搽頑硬肉上以綿紙蓋上或膏貼俱可至  
頑者不過二次卽軟腐爛爲膿點諸瘡頂亦破  
以上三十二方凡大瘡諸毒初起及已成時選用

### 潰瘍治法

膿熟不潰瘡不焮熱食少便澀者脾虛也補托溫中  
膿清或多瘡口散大不生肌者裏虛欲變症峻補之  
腐肉雖脫新肉生遲如凍色者肉冷肌寒大溫氣血  
潰後食少心煩不睡發熱作渴脾弱陰虛補中益氣

身涼脉細倦怠懶言食不知味者脾弱也醒脾助胃  
風寒襲於瘡口皮白綻而不收斂者外照而內溫補  
潰後面黃肌瘦膿水清稀瘡色淡白者當香燥助脾  
脉大無力細濇微沉自汗身涼者氣血俱虛峻補之  
出血或膿多五心煩熱燥甚不眠者亡陽也急補之  
瘡口已合經犯房勞或值急暴復崩潰者仍助氣血  
潰瘍主治方

十全大補湯

十全大補參芪芍  
歸朮茯苓甘草炙

肉桂川芎熟地黃  
棗薑加上號全方



治潰瘍發熱或惡寒或作痛或膿多或清或自汗盜汗及徧身流注癰癰便毒諸瘡久不作膿或膿成不潰潰而不斂若氣血不足之人結腫未成膿者宜加陳皮香附半夏連翹服之自消

人參

黃芪

白芍

肉桂

川芎

熟地

當歸

白朮

茯苓

各一錢

甘草

炙五分

水二鍾薑三片棗二枚煎八分食前服

八珍湯

八珍湯擅理陰陽  
還要相兼四君子  
何愁虛弱不榮昌

治潰瘍諸症調和榮衛順理陰陽滋養氣血進

美飲食和表裏退虛熱爲氣血俱虛之大藥也

川芎

白芍

當歸

熟地黃

人參

白朮

茯苓

各一錢  
甘草五分

水二鍾薑三片棗二枚煎八分食前服

補中益氣湯

補中益氣湯甘草  
柴胡升陳三味少

黃芪人參白朮歸  
還兼薑棗効堪推

治瘡瘍元氣不足四肢倦怠口乾發熱飲食無

味或飲食失節或勞倦身熱脉洪大而無力或  
頭痛而惡寒或聲高而喘身熱而煩俱宜服此

黃芪

一錢五分

甘草

炙

人參

當歸

白朮

各一錢

升麻

柴胡

陳皮

各二分

麥門冬

六分

五味子

五分炒

水二鍾薑三片棗二枚煎一鍾空心熱服

人參養榮湯

人參養榮參朮歸  
甘草地黃餅五味

陳皮白芍桂心芪  
茯苓遠志棗姜宜

治潰瘍發熱惡寒或四肢倦怠肌肉消瘦面色

痿黃吸吸短氣飲食無味不能收斂或氣血原  
不足不能收斂若大瘡愈後多服之不變他症

白芍

一錢五分

人參

陳皮

黃芪

桂心

當歸

白朮

甘草

各一錢

熟地黃

五味子

茯苓

各八分

遠志

五分

薑三片棗二枚水二茶鍾煎八分食遠服

人參黃芪湯

人參黃芪湯罕稀

麥冬二朮草陳皮黃柏歸身五味子升麻神麴棗姜隨

治潰瘍虛熱不睡少食或穢氣所觸作痛者効

黃芪

人參

白朮

麥冬

歸身

蒼朮

甘草

陳皮

升麻

神麴

各五分

黃栢

酒拌炒三分

五味子

炒五分

水二鍾薑三片棗二枚煎八分食遠服

內補黃芪湯

內補黃芪湯桂芍川芎遠志人參等

歸苓熟地草門冬棗姜加上起疲癆

治癰疽發背諸瘡已破後虛弱無力體倦懶言

精神短少飲食無味自汗口乾詠瀉不睡並効

黃芪

人參

茯苓

川芎

外利... 卷二... 六六

歸身 白芍 熟地 肉桂

麥門冬 遠志 各一錢 甘草 五分

水二鍾薑三片棗二枚煎一鍾食遠服

托裏清中湯 托裏清中湯茯苓 冬參五味木梗陳 棗姜半夏同甘草 瘡瘍咳嗽最能清

治癰疽脾胃虛弱咳嗽痰氣不清飲食少思者

人參 白朮 桔梗 陳皮

半夏 茯苓 各一錢 麥門冬 五味子

甘草 各五分

水二鍾薑三片棗二枚煎八分食遠服

枳裏和中湯

枳裏和中湯半夏陳皮甘草術香宜

白米參苓功不亞煨姜効值千金價

治癰疽中氣虛弱飲食少思腫不消潰不斂者

半夏

白朮

人參

茯苓

陳皮

煨薑

各一錢

木香

甘草

水二鍾薑三片棗二枚煎八分食遠服

枳裏建中湯

枳裏建中湯炮姜半夏還兼甘草炙

參苓白朮附子強建中功效可回陽

治癰疽元氣素虛或因寒涼傷脾損胃飲食少

思凡食無味或作嘔泄瀉等症急服以健中氣

人參

白朮

茯苓

各二錢

半夏

炮薑

各一錢

甘草

五分

熟附子

八分

水二鍾煨薑三片棗二枚煎八分不拘時服

托裏溫中湯

托裏溫中羌益智參苓陳木炮乾姜

丁木沉香白芷是附子加之功全備

治癰疽陽弱陰寒脉虛身冷或瘡爲寒變反致不疼或膿水清稀心下痞滿腸鳴腹痛大便微澀食則氣短嘔逆不得安臥時發昏憤者服之



白朮

茯苓

木香

丁香

各五分

半夏

陳皮

羌活

益智

乾薑

炮

人參

白朮

甘草

各一錢

附子

二錢

水二鍾薑三片棗一枚煎八分不拘時服方與舊不同予製此嘗治癰疽陰症及雜症陽氣脫陷與寒氣逼陽於外者發熱煩躁口乾作渴投以薑附之類其津液頓生煩熱頓退其應如響

聖愈湯

聖愈湯憑熟地芪 芎歸生地等相宜 人參六品真堪羨 膿甚心煩此最奇

治潰瘍膿水出多氣血虛極脉細空而無力以

致心煩不安眠睡不寧或五心煩躁等症並服

熟地

生地 川芎

人參

各五錢

歸身

黃芪

鹽水炒 各一錢

作一劑水二茶鍾煎八分食遠服

保元大成湯

保元大成湯接命 木香芍附草砂黃

參苓歸朮芪陳定 薑姜五味功奇應

治潰瘍元氣素虛精神怯弱或膿水出多神無

所主以致睡臥昏倦六脉虛細足冷身涼便溏  
或秘胸膈或寬不寬舌雖潤而少津口雖食而  
無味瘡弦不緊肉色微紅總由不足大補堪題

人參

白朮

黃芪

蜜水拌炒  
各二錢

茯苓

白芍

陳皮

歸身

甘草

炙

附子

山萸肉

五味子

各一錢

木香

砂仁

各五分

水二鍾煨薑三片去皮大棗三枚煎八分食遠

服服至精神回手足暖脾胃醒肉色紅爲度止  
數症乃元氣虛脫已欲變壞之病非此不回也

### 獨參湯

人參一味獨稱強 濟困扶危立大綱  
氣血兩亡併自汗 脉虛寒熱併皆嘗

治潰瘍膿水出多氣血虛極或惡寒或發熱或  
自汗冷汗或手足指甲青冷或身涼脉細並宜

人參

二兩  
切片

作一劑水二鍾棗十枚煎一鍾徐徐服之老煎  
至稠厚卽爲膏矣作三次用好溫酒化服亦可

香砂六君子湯

記得香砂六君子參苓白朮陳皮枳砂仁半夏藿香同煎藥

治潰瘍脾胃虛弱惡心嘔吐或飲食不思等症

人參

白朮

茯苓

陳皮

半夏

各一錢

甘草

藿香

砂仁

各五分

薑三片棗二枚水二鍾煎八分食遠服

清震湯

清震湯中益智仁參苓柿蒂甘草陳香附附子澤半夏藿姜便逆効如神

治潰瘍脾胃虛弱或候傷生冷或氣惱勞役或

入房夢遺致火邪乘入中脘乃生飢逆急服之

益智仁

陳皮

半夏

茯苓

人參

甘草

香附

各一錢

柿蒂

二十箇

澤瀉

三分

熟附

手足冷者用一錢

薑三片棗二枚燈心二十根水二鍾煎八分不

拘時服如身熱口乾便燥火飢者加黃連五分

醒脾益胃湯

醒脾湯用參山藥麥芽澤瀉朴木香

二朮二苓陳半夏山查蘇子同堪嚼

治潰瘍脾胃虛弱過傷飲食生冷以致胃膈不

寬四肢面目浮腫及小水不利等症並宜服之

人參

陳皮

茯苓

半夏

山藥

白朮

各一錢

蒼朮

厚朴

澤瀉

麥芽

木香

山楂

蘇子

猪苓

各五分

老黃米

炒黃一錢

水二鍾薑三片燈心二十根煎八分食前服

托裏定痛散

托裏定痛散當歸  
栗壳桂皮併熟地

乳沒川芎白芍隨  
瘡瘍疼痛効堪題

治癰疽潰後血虛疼痛不可忍者宜服之甚効

歸身

熟地

乳香

沒藥

川芎

白芍

肉桂

各一錢

粟壳

泡去筋膜蜜炒二錢

水二鍾煎八分隨病上下食前後服之

此應異功散

異功散中丁木香半夏陳皮參肉蔻

桂苓歸朮附子強棗姜厚朴可回陽

治潰瘍陰盛陽虛發熱作渴手足並冷脉虛無力大便自利至飲沸湯而不知其熱者必服之

木香

官桂

當歸

人參

茯苓

陳皮

白朮

各一錢

半夏

丁香

肉荳蔻

附子

厚朴

各五分



水二鍾薑五片棗三枚煎八分不拘時服此方  
癰疽陰症凡雜症陽氣脫陷與寒氣逼陽於外  
者發熱煩燥口乾作渴投以薑桂附子之類津  
液頓生煩熱頓退其應如嚮人但不習而察之

### 參朮膏

參朮膏中大補功 地黃三味切堪雄  
補氣補脾併補血 常堪委命在其中

治癰疽發背等症大膿後氣血大虛急宜用此

上好人參半斤

切片用水五大碗砂鍋內慢  
火熬至三碗將渣再煎汁一

碗共用密絹濾清復熬  
稠厚磁碗內收貯聽用雲片白朮六兩

淮慶熟地六兩

俱熬同上法

以上三膏各熬完畢各用磁碗盛之頓入水中待冷取起蓋勿泄氣如患者精神短少懶於言動短氣自汗者以人參膏三匙白朮膏二匙地黃膏一匙俱用無灰好酒一杯頓熱化服如脾氣虛弱飲食減少或食不知味或已食不化者用白朮膏三匙人參膏二匙地黃膏一匙好熱酒化服如患者腰膝酸軟腿脚無力皮膚手足

癰澀枯槁者用地黃膏三匙人參白朮膏各三匙化服如氣血脾胃相等無偏勝負者三膏每各二匙熱酒化服此膏用於清晨併臨睡時各進一次自然強健精神頓生氣血新肉易生瘡口易合任瘡危險勢大膿多者可保終無變症夏炎天熱恐膏易變分作二次熬用亦好愈後能服鬚髮變黑返老還童以上諸方功難及此

# 八仙糕

八仙糕爲何因設  
健脾胃養胃兼止泄  
參苓山藥芡實蓮  
白糖米粉延生說

治癰疽脾胃虛弱精神短少飲食無味食不化  
饑及平常無病久病但脾虛食少嘔泄者並妙

人參

山藥

茯苓

芡實

蓮肉

各六兩

糯米

三升

粳米

七升

白糖霜

二斤半

白蜜

一斤

右將人參等五味各爲細末又將糯粳米亦爲  
粉與上藥末和勻將白糖和蜜湯中頓化隨將  
粉藥乘熱和勻攤鋪籠內切成條糕蒸熟火上

烘乾磁器密貯每日清早用白湯泡用數條或  
乾用亦可但遇知覺饑時隨用數條甚便服至  
百日輕身耐老壯助元陽培養脾胃妙難盡述

胃愛丸

胃愛丸中參茯苓  
蓮肉甘草蜜丸靈

紫蘇山藥荳蔻陳  
脾虛不食効如神

治潰瘍脾胃虛弱飲食諸味不喜用過開胃進  
食之藥不効者此脾崩之象宜服之食進爲吉

雲片白朮一兩

鮮白者米泔浸去澁水  
切片曬乾同麥芽拌炒

懷慶山藥一兩

肥大上白者切片用男  
乳拌濕候潤透晒微焙

上白茯苓一兩

切一分厚咀片用砂仁三錢用茯苓合碗內飯上蒸熟只用茯苓

清河人參一兩

製畢晒乾共為細末

白荳蔻

三錢

陳皮

用陳老米先炒黃色方入同炒微燥勿焦共錢

小紫蘇

蜜拌透晒乾微蒸片時連梗葉切片五錢

蓮肉

去皮心切片五錢

甘草

炙三錢

右共為細末用老米二合微焙碾粉泡荷葉湯

打糊九梧子大每服八十九清米湯不拘時服

二神丸

二神丸來布大功肉菓相兼破故紙

誰知二味氣雄雄姜同案煮起痰膝

治癰疽脾胃虛弱飲食不消大便溏泄必服之

破故紙

四兩微炒香色

肉蓯

肥大者二兩生用

用大棗四十九枚老生薑四兩切片水浸棗薑

煮至水乾爲度取棗肉爲丸梧子大每服七十

丸清米湯空心送下及治尋常腎虛脾泄俱効

加減八味丸

八味丸中丹皮桂茯苓澤瀉地黃同

山藥山更兼五味生津止渴如甘需

治癰疽已發未發口乾作渴舌乾黃硬者宜服

茯苓

山藥

丹皮

各四兩

山更

肉五兩

澤瀉

蒸三雨

五味子

炒三雨

肉桂

六錢

熟地

搗膏酒煮六雨

右共爲末煉蜜丸如梧子大每服五錢空心服

臨湯送下尋常酒服亦可此又滲濕潤燥藥也

紅鉛造化丹

紅鉛造化出大工礬麴辰砂水片射

山藥參苓甘乳同此方原自出仙宮

治癰疽元氣不足軟陷不起發或已發復彼風

寒內外所侵以致瘡毒下陷變爲陰塌不痛者

急宜服此亦可轉陰爲陽返出毒氣復腫爲吉

紅鉛

二錢法註未卷

人參

茯苓



山藥各一兩 甘草炙

枯礬各五錢 辰砂

寒食麵各七錢五分

麝香八分

冰片六分

乳粉

二錢用頭生男乳每盤內用一小鍾晒乾共收用之

右各研精細方爲一處共再細研用白蜜二兩再同頭生男乳一大杯慢火重湯內用磁碗頓蜜滴水不散爲度候稍溫和入前藥軟硬得宜九龍眼核大金箔爲衣磁罐收用或以蠟固亦妙每用一九好熱酒一杯化藥食遠服之用厚

綿帛覆暖患上其熱如蒸瘡必復起作痛乃此  
丹之効也諸症嘔吐怔忡瀉痢屢藥不瘥異症  
並効大率心經之病石菖蒲肝經之病用遠志  
脾經之病用生薑肺經之病麥門冬腎經之病  
五味子各隨五經之症用五引煎湯化服其應  
如嚮修合時務要端午天醫黃道日爲佳製藥  
時忌婦人雞犬生人異物預晚齋戒誠意多靈  
以上二十四方治癰疽已潰至於收斂正病雜病

變症壞症此四者俱在其中選用毋得錯亂以保  
終吉若不遵此法妄設他說別以奇方秘法治之  
終致多變但潰後氣血根本無有不虧傷者大抵  
補怯扶羸理勞績損皆不出於前方此外無法也

癰疽圖形第十五


癰疽等發三十圖

婦人等症四圖

嬰兒等症二圖

附外科諸症瘡名十律

蓮子發形如蓮子頭多突起者是  
也腫高滑膿者生平塌陰陷者死



蜂窠形如蜂窠頭含螺子片片腐爛孔孔流膿紅活者生黑陷者死




井疽心火妄動發之焮赤  
高腫者生堅硬紫黑者死



玉枕疽勝脫濕熱凝滯而成紅腫者生紫陷者死

桃疽

對心發心火沸騰溫熱疑之腫高腐潰者生軟陷紫黑者死



天疽此陽火熾盛發之紅赤高腫者注紫黑平陷者死





對口太陽濕熱結聚而成高  
腫易


對口





附骨疽初起大腿筋骨作痒及則  
漫腫出膿黃稠者生氣敗者死

失榮症生於耳前後及  
項間初如痰核久則堅  
硬漸大如石破後無膿  
潰流血水堅硬仍作腫  
痛異當乃百死正之症



失榮症

橫痃

囊癰

丰發疔

耳後發




耳後發有頭高腫者生無膿軟陷者死

形如粟米色如紅紫者升也生此百八百不救



脫症


脾肚癰乃飲食炙煨厚味釀成紅赤  
高腫潰爛者生紫黑平塌陰陷者死



人面瘡屢積難克朝得  
此生宜修省後方醫治



人面瘡



高腫爲癰  
沉潰爲疽  
有膿者生  
無膿者死

附陰疽



鼻骨疽

馬刀瘡在鼻下

肩風

侵腦痺

惡疔在耳後肉





猴癰

氣癰

膿癰

腋疽

穿鼻

蛇頭疔

蛇頭疔

胃口疔發在心胃之傍陽者有  
頭陰者無頭乃飲食多癖所致





頰唇

翻花瘡

脇疽

腹癰

便毒

魚口瘡

陰疽

鶴膝風

氣脚


癰疽

瘰癧生唇上有頭腦起寒熱交作胃經積毒所致



流注起於寒熱不調氣血凝滯而生

流注












小腸癰腫痔瘻者是也



銳毒發

左耳後 寸三分致命  
之處發之一名天癰


腎俞發

鵝口疽


腎俞發

委中毒

懸癰陰囊之後穀  
道之前結腫是也



二癰又名醫癰也



坐馬癰

下馬癰



硬肺腐爛臭穢者是也


鼻旁






龍泉

虎豹





棉花瘡卽楊梅瘡是也



鈕即鳳項上如  
癰作瘡者是也

瘰癧



乳岩中空似岩先邊腫若泛蓮真死候也



紅腫發熱疼痛者是也



堅硬腐爛者是也



赤遊丹紅如雲形者是也



走馬疳牙根黑腐臭爛者是也



癰疽諸症瘡名十律

其一

背之左右謂疽癰

手膀肩臂亦相同

肺疽居右癰居左

蜂癰左右近喉嚨

耳後右爲銳毒看

天疽左耳後相逢

左右兩肩名搭手

井疽止發在心中

其二

流注牽藤六七成

發於心工止臍平



脇疽生在脇下

陰疽大體近箕門

穿踝疽穿姑撈下

脚氣原來脚底生

左爲便毒右魚口

鶴膝風從膝眼成

其三

肩下臙癰腋下疽

喉嚨上下氣癰腎

當脉兌疽君可記

三寸相離穿骨基

紅絲疔從手上起

蛾子喉風口內隨

腎疽當腎生左右

三里穴發附陰疽

其四

離臍四寸爲嚇癰

再高五寸號幽癰

腸癰還從臍突起

胸疽乳上心肺中

合谷一疔名虎口

蛇頭魚肚指頭逢

腦後一疽名玉枕

莫作如常一樣同

其五

肩疽樂疽居右手

石榴離肘上三分

左玄陰右襠疽發

咬骨陰包穴上生

淵疽腎上腿附骨

佛頂疽生腦頂門

人世毒瘡當切記

敢交患者卽安生

其六

額骨爲疔唇上疽

鬚邊所發亦疽醫

眉中鳳眉傍侵腦

黑疔耳內不爲奇

鼻內生疔當速療

透腦原來髮際基

眉尾癰疽能大毒

頰疔魚眼近腮齊

其七

夕利丁金  
馬刀瘰癧氣癭瘡

一氣生來在頸項

虎毒龍泉唇上下

對口原來髮下藏

牙根唇上癰莫異

牙下生之疽一行

頂牙縫突爲疔治

休作人間容易瘡

其八

心肝脾肺腎癰疽

當看胸中穴道醫

更有黃頭并白泡

發無定處速如飛

左爲坐馬右下馬

尾骨頭尖鵝口疑

此物殺人能致命

火急攻醫切莫遲

其九

婦人之乳有數種

高腫爲癰堅硬疽

還有乳岩真惡症

腫如頑石破如墟

鈕叩之風生頸項

裙帶風瘡脚下需

又有溼臙瘡等疾

總生下腿上安居

其十

嬰兒走馬爛牙疳

黑腐沿開臭不堪

赤遊丹毒渾身到

鵝口瘡皆滿口渴

風瘡奶癬多搔痒

血灌膿窠痛欠安

還有心脾治熱症

口疳重舌一般看

六鬱湯

能解諸鬱結腫左右二搭相串

者及溼痰施注等症

川芎

半夏

茯苓

香附

陳皮

山梔

各一錢

蒼朮

砂仁

甘草

各五分

薑三片水二鍾煎服

此方補遺

新刊外科正宗卷之一

終